

或生意此亦時所作此不相應何以故空元所有時自亦空教他所作不合如是惡也微者亦不合彼元念此事不相應性亦如是性若有起非性事若元者無義若元義有所起如是一切有者性有何差降若卿生此意性有常此不相應無常者不變如是惡也性者常然也常則元無不常故曰不應也問云何元義若元義者自然強伏元所有義者無義者自然強伏元所有元義論有三自然論強伏論元所有彼自然論者自然有生不有餘想利如利元有人利之者以此為首強伏論名隨物欲生如大水泉源草木枝葉隨中聚作一持此是強伏隨風來或吹向此或復東西如是種隨所欲起元所有名空盡元所有有何相應何者相應都元所有此輩盡是惡何故若自然有者子不生也田作水溉灌以見時為首若无是者子不得生是故不自然一切作所致報

問已說異學處云何解脫處答解脫處想禪誦想禪誦此是解脫處解脫處盡彼解脫此三處依是義依

四阿含義抄解卷下 第三十 齊

此已得解脫想因緣是義故想依辟支佛得解脫前品已說擇此當知彼亦依聲聞而得解脫問云何誦答誦者說聽誦誦者說聽誦誦彼說名隨所聞法說如所聞法受誦誦隨所聞章而轉誦之問已說誦誦修妬路阿毘曇鼻戴何故重說答此亦分作三誦誦三事得果說時聽時誦時佛弟子有四諦受生受生施受俱來施受俱來滅受俱來滅受俱來慧受俱來慧受俱來此如是相應誦得解脫說得解脫滅生禪得解慧誦得解脫是故解脫處義如是三法相應觀無亂意欲求無為次第得解脫解脫義斯悲者生世尊世婆素跋陀三法大三誦三法度盡盡三法度記曰聽我說偈偈千二百偈三十二字首重九字人讀每則二十七字也梵本四十六字一集二十八首重

四阿含義抄解卷下

乙巳歲高麗國大藏葺監奉勅雕造

四阿含義抄解卷下 第三十 齊

法句辭喻經卷第一

獸

無常品第一

晉世沙門法相共法立譯

昔者天帝釋五德離身自知命盡當下生世間在陶作家受驢胞胎何謂五德一者身上光滅二者頭上華萎三者不樂本坐四者膝下汗臭五者塵土著身以此五事自知福盡甚大愁憂自念三界之中濟人苦厄唯有佛耳於是奔馳往到佛所時佛在耆闍崛山石室中坐禪入普濟三昧天帝見佛稽首作禮伏地至心三自歸命佛法聖眾未起之間其命忽出便至陶家驢母腹中作子時驢自解走瓦坏間破壞壞器其主打之尋時傷胎其神即還入故身中五德還備復為天帝佛三昧覺讚言善哉天帝能於殞命之際歸命三尊罪對已畢不更勤苦余時世尊以偈頌曰所行非常 謂興衰法 夫生輒死此滅為樂 譬如陶家 埏埴作器一切要壞 人命亦然

帝釋聞偈知無常之要達罪福之變

解興衰之本，遂寂滅之行，歡喜奉受，得須陀洹道。

昔佛在舍衛國精舍中，為諸天人龍鬼說法。時國王波斯匿大夫人年過九十，卒得重病，璽藥望差，遂便喪亡。王及國臣如法送還神墳墓，送畢訖，還過佛所，脫服跣躩，前禮佛足。佛命令坐而問之曰：「王所從來衣，麤形異何所施為也？」王稽首曰：「國大夫人年過九十，間得重病，奄便喪亡，遺送靈柩，遷葬墳墓，今始來還過觀聖尊。」佛告王曰：「自古至今，大畏有四生則老，枯病無光澤，死則神去親屬別離，是謂為四不與人期，萬物無常，難得久居。一日過去，人命亦然，如五河流晝夜無息，人命駛疾亦復如是。於是世尊即說偈言：

如河駛流 往而不反 人命如是 逝者不還

佛告大王，世皆有是，無長存者，皆當歸死。無有脫者，往昔國王諸佛真人，五通仙士，亦皆過去，無能住者，空為悲感，以殞軀形，夫為孝子哀愍亡者。

法句經卷第一

第二

歌

為福為德，以歸流之福祐，住追如餉。遠人佛說是時，王及羣臣莫不歡喜，忘憂除患，諸來一切皆得道迹。

昔佛在羅閱祇竹園中，與諸弟子入城受請說法。畢訖，時出城道，逢一人驅大羣牛放還入城，肥飽跳騰，轉相舂觸，於是世尊即說偈言：

譬人操杖 行牧食牛 老死猶然 亦養命去 千百非一 族姓男女 貯聚財產 無不喪 生者日夜 命自攻削 壽之消盡 如落霽水

佛到竹林洗足，却坐阿難即前稽首問言：「世尊向者道中說此三偈，不啻其義，願蒙開化。」佛告阿難：「汝見有人驅放羣牛，不唯然見之，佛告阿難，此屠家羣牛，本有千頭，屠兒日逮人出城求好水草，養令肥長，擇取肥者，日宰殺之，殺之死者過半，而餘者不覺方相舂車跳騰，鳴吼傷其無智，故說偈耳。」佛語阿難，何但此牛，世人亦亦計於吾我，不知非常，饕餮五欲養育其身，使心極意，更相殘賊，無常宿對，卒至無期，矇矓不覺，何異於此也？時坐。

法句經卷第一

第三

歌

中有貪養比丘二百人，聞法自勵，逮六神通，得阿羅漢果，坐悲喜為佛作禮。

昔佛在舍衛國祇樹給孤獨園，為諸弟子說法。時有梵志女年十四五，端正聰辯，父甚憐愛，卒得重病，即便喪亡。田有熟麥，為野火所燒，梵志得此憂惱，愁憤失意，恍惚譬如狂人，不能自解。傳聞人說佛為大聖，天人之師，演說經道，忘憂除患，於是梵志往到佛所作禮，長跪白佛言：「素少子息，唯有一女，愛以忘憂，卒得重病，捨我喪亡。天性悼愍，情不自勝，唯願世尊垂神開化，釋我憂結。」佛告梵志：「世有四事不可得久，何謂為四？一者有常，必無常；二者富貴，必貧賤；三者合會，必別離；四者強健，必當死。於是世尊即說偈言：

常者皆盡 高者必墮 合會有離 生者有死

梵志聞偈，心即開解，願作比丘，歸踐自墮，即成比丘。重惟非常，得羅漢道。昔佛在羅閱祇耆闍崛山中，時城內有姪女人名曰蓮華，姿容端正，國中

法句經卷第一

第四

歌

無雙大弟子弟莫不尋敬余時蓮華善心自生欲棄世事作比丘尼即詣山中就到佛所未至中道有流泉水蓮華飲水澡手自見面像容色紅輝頭髮紺青形貌方正挺特無比心自悔曰人生於世示體如此云何自棄行作沙門且當順時快我私情念已便還佛知蓮華應當化度化作一婦人端正絕世復勝蓮華數千萬倍尋路逆來蓮華見之心甚愛敬即問化人從何所來夫主兒子父兄中外皆在何許云何獨行而無將從化人答言從城中來欲還歸家雖不相識寧可共還到泉水上坐息共語不蓮華言善二人相將還到水上陳意委曲化人睡來枕蓮華膝眠頃臾之頃忽然命絕臍脹臭爛腹潰垂出齒落髮墮肢體解散蓮華見之心大驚怖云何好人忽便無常此人尚余我豈久存故當詣佛精進學道即至佛所五體投地作禮已訖具以所見向佛說之佛告蓮華人有四事不可恃怙何謂為四一者少壯會當歸老二者強健會當歸死三者

法句喻經卷第一

第五

歌

六親聚歡娛樂會當別離四者財寶積聚要當分散於是世尊即說偈言
老則色衰 所病自壞 形敗腐朽 命終其然 是身何用 恒漏臭臭 為病所困 有老死患 嗜欲自恣 非法是增 不見聞變 壽命無常 非有子恃 亦非父兄 為死所迫 無親可怙
蓮華聞法欣然解釋觀身如化命不久停唯有道德泥洹永安即前白佛願為比丘尼佛言善哉頭髮自墮即成比丘尼思惟止觀即得羅漢諸在坐者聞佛所說莫不歡喜
昔佛在王舍城竹園中說法時有梵志兄弟四人各得五通却後七日皆當命盡盡自共議言五通之力反覆覆天地手捫日月移山住流靡所不能寧當不能避此死對一人言吾入大海上不出現下不至底正處其中無常殺鬼安知我處一人言吾入須彌山中還合其妻令無際現無常殺鬼安知吾處一人言吾當輕舉隱虛空中無常殺鬼安知吾處一人言吾當藏

法句喻經卷第一

第六

歌

入大市之中無常殺鬼趣得一人何必求吾也四人議訖相將辭王吾等壽年餘有七日今欲逃命冀當得脫還乃覲省唯願進德於是別去各到所在七日期滿各以命終猶果熟落市監白王有一梵志卒死市中王乃悟曰四人避對一人已死其餘三人豈得獨免王即嚴駕往至佛所作禮却坐王自佛言近有梵志兄弟四人各獲五通自知命盡皆共避之不審今者皆能得脫不佛告大王人有四事不可得離何謂為四一者在中陰中不得不得受生二者已生不得不得受老三已老不得不得受病四者已病不得不得受死於是世尊即說偈言
非空非海中 非金石間 無有地方所脫之不受死 是務是吾作 當作今致是人為此躁擾 履踐若死憂 知此能自靜如是見生盡 比丘厭魔兵 從生死得度王聞佛言歎曰善哉誠如尊教四人避對一人已死祿命有分餘復然矣君羣臣從官莫不信受
法句喻經教學品第二

法句喻經卷第一

第七

歌

昔佛在舍衛國祇樹精舍佛告諸比丘當勤修道除棄陰蓋心明神定可免衆苦有一比丘志不明達飽食入室閉房靜眠愛身快意不觀非常冥冥無念無復晝夜却後七日其命將終佛慈傷之懼墮惡道即入其室彈指覺曰

咄起何爲寐 蟬蟪蛛蠹類 隱蔽以不淨 迷惑計爲身 焉有被所瘡 心如嬰病痛 遽于衆厄難 而反爲用眠 思而不放逸 爲仁學仁迹 從是無有憂 常念自滅意 正見學務增 是爲世間明 所生福千倍 終不墮惡道

比丘聞偈即便驚寤見佛親誨如敬悚息即起稽首爲佛作禮佛告比丘汝寧自識本宿命不比丘對曰陰蓋所覆實不自識也佛告比丘昔維衛佛時汝曾出家貪身利養不念經戒飽食却眠不念非常命終魂神生蟬蟲中積五萬歲壽盡復爲螺蚌之蟲樹中蠹蟲各五萬歲此四品蟲生長冥中貪身愛命樂處幽隱以冥爲家不喜光明一眠之時百歲乃覺纏綿罪網不求出要今始罪畢得爲沙門如何

法句譬喻經一

第八次

戒

雖眠不知散足於是比丘重開宿緣慙怖自責五蓋雲除即得羅漢昔佛在舍衛國祇樹給孤獨園與諸天人曰輩說法時有一年少比丘爲人頑愚質直疎野未解道要情意與威思想於欲陽氣隆盛不能自制以此爲惱不復度世坐自思惟有根斷者然後清淨可得道迹即至檀越家從之借斧還房閉戶脫去衣服坐木板上欲自斫陰正坐此陰令我勤苦經歷生死無央數劫三塗六趣皆由色欲不斷此者無緣得道佛知其意愚癡乃示道從制心心是根源不知當死自害墮罪長受苦痛於是世尊往入其房即問比丘欲作何等放斧著衣禮佛自陳學道日久未解法門每坐禪定垂當得道爲欲所蓋陽氣隆盛意惑目冥不覺天地諦自責念事皆由此是以借斧欲斷制之佛告比丘卿何愚癡不解道理欲求道者先斷其癡然後制心心者善惡之根源欲斷根者先制其心心定意解然後得道於是世尊即說偈言

法句譬喻經一

第八次

戒

是上道人 佛告比丘十二因緣以癡爲本癡者衆罪之源智者衆行之本先當斷癡然後意定佛說是已比丘慙愧即自責言我爲愚癡迷惑來久不解古典使如此耳今佛所說甚爲妙哉內思正定安般守意制心伏情杜閑諸欲即得定意在於佛前逮得應真昔佛在羅閱祇園靈鷲山中爲諸天人國王大目說甘露法有一比丘剛猛勇健佛知其意遣至山後鬼神谷中令樹下坐數息求定知息長短安般守意斷滅苦可得泥洹比丘受教往至谷中欲坐定意但聞山中鬼神語聲不見其形但有音聲悚息怖懼不能自寧意欲悔還即自念言居家大富宗族又強出家學道獨見安般鬼神深山既無伴侶又無行人但有諸鬼數來怖人思惟如是未去之間於是世尊往到其邊坐一樹下而問之曰汝獨在此將無怖懼耶比丘誓首自言初未曾入山在此實憂須臾之間有一野鴉王來在邊倚一樹卧心獨歡喜遠離諸鳥一何快哉佛知鴉

法句譬喻經一

第十次

戒

意告比丘曰汝寧知是為所由來不
對曰不審佛告比丘此為眷屬大小
五百餘頭厭患小為捨來至此倚樹
而卧自念得離恩愛牢獄一何快哉
為是畜生猶思閑靜況汝捨家欲求
度世方以獨自欲求伴侶愚冥伴侶
多所傷敗獨住無對亦無謀議寧獨
修道不用愚伴於是世尊即說偈言
學無朋類 不得善友 寧獨守善
不與愚借 樂戒學行 奚用伴為
獨善無憂 如空野鳥
佛說是時比丘意解內思聖教即得
應真谷中鬼神亦皆聞解為佛弟子受
捨誠勅不復侵民佛與比丘共還精舍
法句辭喻經護戒品第二

法句辭經卷第一

第五上章 戒

生自活見佛無益寧守戒而死不犯
戒而生也一人即起極意快飲於是進
路一人不飲遂致殞命即生第二切
利天上思惟自省即識宿命持戒不
犯今來生此信我福報其不遠矣即
持華香下到佛所為佛作礼却住一面
其飲水者道路疲頓經日乃達見佛
神德至尊巍巍稽首礼畢涕泣自陳我
伴一人於彼命殞感其不達願佛知
之佛言吾已明矣佛以手指曰今此
天人則汝伴也全戒生天又先至矣
於是世尊披臂示之汝觀我形不奉
我戒雖去見我我不見汝也去我萬
里奉行經戒此人則為在我目前於
是世尊即說偈言
學而多聞 持戒不失 兩世見譽
所願者得 學而寡聞 持戒不完
兩世受痛 實其本願 夫學有二
常親多聞 安諦解義 雖困不耶
於是比丘聞偈慚怖稽首悔過嘿思
所行天人間偈心意欣悅逮得法眼
天人眾會莫不奉行
法句辭喻經多聞品第三

法句辭經卷第一

第五上章 戒

道德佛慈其愚現為貧凡沙門詣門
分衛時夫不在其婦罵詈無有道理
沙門語曰吾為道士乞自居不得罵
詈唯望一食耳主人婦曰若汝立死
食尚得得況今平健欲望我食但暫留
時節不如早去於是沙門住立其前
戴眼打氣便現死相身體肢脹鼻口
垂出腹潰腸爛不淨流湯其婦見此
恐怖失聲棄而捨走於是道人忽然
捨去去舍數里坐樹下息其夫來歸
道中見婦恠其驚怖其婦語夫有一
沙門見怖如此夫大瞋怒問為所在
婦曰已去想亦未遠夫即執弓帶刀
尋迹往逐張弓拔刀奔走直前欲斫
道人道人即化作琉璃小城以自圍
遮其人繞城數匝不能得入即問道
人何不開門道人曰欲使開門畢汝
弓刀其人自念當隨其語若當得入
手拳加之尋棄弓刀門故不開復語
道人已棄弓刀門何不問道人道曰吾
候汝棄心中惡意弓刀耳非謂手中
弓刀也於是其人心驚體悸道人神
聖乃知我心即便叩頭悔過稽首道人
曰我有弊妻不識真人使我興惡願

法句辭經卷第一

第五上章 戒

小垂慈莫便見捨今欲將來勸令修
道即起還歸其妻問曰沙門所在其
夫具說神變之德令者在彼卿自宜
往改悔滅罪於是夫妻至道人所五體
悔過願為弟子長跪問曰道人神變聖
達乃亦有琉璃城堅固難踰志明意定
永無憂急行何道德致此神妙道人
答曰吾博學無厭奉法不懈精進持戒
慧不放逸緣是得道自致沉湎於是
道人因說偈言

多聞能持故奉法為垣牆精進難踰毀
從是戒慧成多聞令志明已明智慧增
智則博解義見義行法安多聞能除憂
能以定為歡善說甘露法自致得泥洹
聞為知法律解疑亦見正從聞捨非法
行到不死處

道人說偈已現佛光相洪暉赫奕照
曜天地夫妻驚愕精神戰懼改惡洗
心頭腦打地壞二十億惡得須陀洹道
昔佛在拘睢尼國美音精舍與諸四
輩廣說大法有一梵志道士智博通
達衆經脩舉無事不貴貢高自譽天
下無比永歎而行無敢應者晝日執

法句喻經卷第一 第四頌 歌

炬行城市中人間之曰何以晝日執

炬而行梵志答曰世皆愚冥目無所
見是以執炬以照之耳觀察世間無敢
言者佛知梵志宿福應度而行貢高
求勝名譽不計無常自恃憍恣如是
當墮太山地獄無央數劫未出甚難
佛即化作一賢者居肆上坐即呼梵
志何為作此梵志答曰以衆人冥晝
夜不見明故執炬火而照之耳賢者
重問梵志經中有四明法為知之不
對曰不審何謂四明法一者明於天文
地理和調四時二者明於星宿分別
五行三者明於治國綏化有方四者
明於將兵固而無失卿為梵志有此
四明法以不梵志慚愧棄炬叉手有
不及心佛知其意即還復身光明炳
然晃照天地便持梵聲為梵志說
偈言

若多少有聞自大以憍人是如盲執燭
照彼不自明

佛說偈已告梵志曰冥中之甚無過
於汝而晝執炬行入大國如卿所知何
如一塵梵志聞之有慚愧色即便叩

法句喻經卷第一 第五頌 歌

頭願為弟子佛即受之令作沙門意
解妄止即得應真

昔舍衛國有大長者名曰須達得須
陀洹有親友長者名曰好施不信佛
道及諸醫術時得重病痿頓著牀宗
親知友皆就省問勸令治病至死不
肯答衆人言吾事日月忠孝君父畢
命於此終不改志須達語曰吾所事
師号曰為佛神德廣被見者得福可
試請來說經呪願聽其所說言行進
趣何如餘道事之與不隨卿所志以
卿病久不時除老勸卿請佛莫索其
福好施曰佳卿便為吾請佛及衆弟
子須達即便請佛及僧往詣其門佛
放光明內外通徹長者見光欣然身
輕佛前就坐慰問長者所病何如昔
事何神作何療治長者白佛奉事日
月君長先人恭敬齋戒祈請万端得
病經時未蒙恩祐醫藥針灸居門所
忌經戒福德素所不知先人以來守
死於此佛告長者人生世間橫死有
三有病不治為一橫死治而不慎為
二橫死憍恣自用不達逆順為三橫

法句喻經卷第一 第六頌 歌

死如此病者非日月天地先人君父所能除遣當以明道隨時安濟一者四大寒熱當須醫藥二者眾邪惡鬼當須經戒三者奉事賢聖於濟窮厄德威神祇福祐群生以大智慧消去陰蓋奉行如此現世安吉終無枉橫戒慧清淨世世常安於是世尊即說偈言

事曰為明故事父為恩故事君以力故聞故事道人為命事聖欲勝依豪強法在智慧處福行世世明察友在為務別伴在急時觀妻在房樂欲知智在說為能師見道解疑令學明亦與清淨本能奉持法藏聞能令世利妻子昆弟友亦致後世福積聞成聖智能攝為解義解則戒不穿受法荷法者從是疾得安是能散憂患亦除不祥裏欲得安隱吉當事多聞者

於是長者聞佛說法心意疑結燿然雲除良醫進療委心道德四大安靜眾患消除如飲甘露中外怡懌身安心定得須陀洹道宗室國人莫不敬奉昔羅閱祇國南有大山去城二百里南

法句喻經卷第一 第七講 跋

土諸國路由此山山道深遠有五百賊依險劫人後遂縱橫所害狼藉眾賈被毒王路不通國王追討不能擒獲時佛在國哀愍群生念彼賊輩不知罪福世有如來而目不覩法鼓日震而耳不聞吾不往度如石沉淵化作一人著好衣服乘馬帶劍手執弓矢鞍勒嚴飾金銀在拔以明月珠垂絛馬體跨馬鳴絃往入山中群賊見之以為成事作賊積年未有此便仰之投石與此何異群賊齊頭住前圍繞挽弓拔刀諍欲剝脫於是化人舉弓一發使五百賊各被一箭以刀指擬各被一瘡瘡重箭深即皆顛倒五百群賊宛轉卧地叩頭歸降為是何神威力乃尔乞蒙原赦以活微命願時拔箭使瘡除愈今者瘡痛不可堪忍化人答曰是瘡不痛箭不為深天下瘡重莫過於憂殘害之甚莫過於愚沒懷貪得之憂殘煞之愚刀瘡毒箭終不可愈此二事者根本深固勇力壯士所不能拔唯有經戒多聞慈蔑以此明道療治心病拔除憂愛

法句喻經卷第一 第六講 跋

愚癡貢高制伏剛強豪富貪欲積德學慧乃可得除長獲安隱於是化人即現佛身相好莊特金顏英妙即說偈言
所瘡無過憂 射箭無過愚 是壯莫能拔 唯從多聞除 盲者從得眼 闇者從得燭 示導世間人 如目將無目 是故可捨癡 離慘豪富樂 務學事聞者是名積聚德 於是五百人見佛光相重聞此偈叩頭歸命剋心悔過刀瘡毒箭自然除愈歡喜心開即受五戒國界安寧莫不歡喜
法句辭喻經結篇信品第四
昔者舍衛國東南有大江水既深而廣有五百餘家居在岸邊未聞道德度世之行習於剛強欺詐為務貪利自恣快心極意世尊常念其應度者當往度之知此諸家福應當度於是世尊往至水邊坐一樹下村人見佛光相奇異莫不驚肅皆往恭敬或拜或揖問訊起居佛命令坐為說經法眾人聞之而心不信習於欺怠不信真言佛便化作一人從江南來足行水

法句喻經卷第一 第五講 跋

上正沒其蹕來至佛前稽首礼佛衆人見之莫不驚怯問化人曰吾等先人以來居此江邊未曾聞人行水上者卿是何人有何道術履水不沒願聞其意化人荅曰吾是江南愚直之人聞佛在此貪樂道德至南岸邊不時得度問彼岸人水為深淺彼人見語水可齊蹕何不涉渡吾信其言便介來過無他異術佛時讚言善哉善哉夫執信誠諦可度生死之樹數里之江何足為奇於是世尊即說偈言

信能渡樹 攝為船師 精進除苦 慧到彼岸 士有信行 為聖所譽 樂無為者 一切縛解 信乃得道 法致滅度 從聞得智 所到有明 信之與戒 慧意能行 健夫度慧 從是脫樹

於是村人聞佛所說見信之證心開信堅皆受五戒為清信士明信日修法教普聞

昔佛在世時有大長者名脩陀羅財富無數信向道德自誓常以鵬月八日請佛及僧終身子孫奉行不廢長者

亡時囑兒勿廢兒名比羅陀後日漸貧居無所有鵬月已至無有供辦愁感不樂佛遣目連往問比羅陀汝父直月欲至當設何計比羅陀荅言亡父教令不敢違之唯願世尊勿見忽棄也八日中時迴光臨眈目連還白如是比羅陀即將妻子至外家質取百兩金還舍供辦一切具足佛與千二百五十衆僧往詣其舍坐畢行水下食淨竟還於精舍比羅陀歡喜不敢悔恨其日夜半諸故藏中自然寶物悉滿如故比羅陀夫婦明且見之喜而且懼懼官見問所從得此夫妻共議當往問佛尋到佛所具白如此佛告比羅陀安意使用勿有疑難汝之履信不違父教持戒慚愧沒命不二問施惠道七財滿具福德所致非為灾變智者能行不問男女所生之慶福應自然於是世尊即說偈言

信財戒財 慚愧亦財 問財施財 慧為七財 從信守戒 常淨觀法 慧而履行 奉教不忘 生有此財 不問男女 終已不貧 賢者識真

比羅陀聞佛所說益加篤信稽首佛足歡喜還家具足是佛教誨其妻子遂相承繼皆得道迹

法句譬喻經戒慎品第五

昔波羅奈國有山去城四五十里有五沙門慶山學道晨旦出山人間乞食食訖還山晚暮乃到往還疲極不堪坐禪思惟正定歷年如是不能得道佛愍念之勞而無獲化作一道人往到其所問諸道人隱居修道得無勞倦諸沙門言吾等在此去城既遠四大之身當須飲食日日供給往還疲勞經年歷歲勤苦竟已晝日往返暮輒疲頓不暇復得修道為當正介畢命而已道人語曰夫為道者以戒為本攝心為行賤形貴真捐棄軀命食以反形守意正定內學止觀滅意得道養身順情安得免苦願諸道人明日莫行吾當供養使諸道人休息一日時五沙門意大歡喜恠未曾有安心定意不復憂行明日日中此化道人送食而來食訖安和心意憐怕於是化人為說偈言

比丘立戒 守攝諸根 食知自節
寤意令應 以戒降心 守意正定
內學止觀 無志正智 明指守戒
內思正智 行道如應 自淨除苦
化道人說此偈已顯現佛身光相之
容於是五沙門精神震疊咸思惟戒
即得阿羅漢道

法句譬喻經惟念品第六

昔佛在世時弗加沙王與瓶沙王親
友弗加沙王未知佛道作七寶華以
遺瓶沙瓶沙王得之轉奉上佛白佛
言弗加沙王與我為友遺我此華今
已上佛願令彼王心開意解見佛聞
法奉敬聖眾當以何物以報所遺佛
告瓶沙寫十二因緣經送持與之彼
王得經心必信解即寫經卷別書文
曰卿以寶華見遺今以法華相上詳
思其義果報深美到便誦習以同道
味弗加沙王得經讀之尋省反覆忽然
信解喟然歎曰道化真妙精義安神
國榮五欲憂惱之元累劫習迷始今
乃寤願視流俗無可貪樂即召羣臣
國付太子便自剃頭行作沙門法服持

法句譬經卷第一 第三張 跋

鉢詣羅閱祇城外在陶家窟中寄宿明
日當入城分衛食訖當至佛所奉受經
戒佛以神通知弗加沙明日食時其
命將終故從遠來不得見佛又不聞
經甚可憐愍於是世尊化作沙門往
至陶家欲求寄宿陶家語曰向有一
沙門在彼窟中可住共止宿也把草入
窟坐於一面問弗加沙從何所來師
為是誰以何因緣行作沙門為見佛
未弗加沙言吾未見佛聞十二因緣
便作沙門明日入城乃分衛已當往見
佛耳化沙門言人命危脆朝夕有變
無常宿對卒至無期但當觀身四大
所由合成散滅各還其本思惟覺意
空淨無想專念三尊布施戒德能知
無常見佛無異方念明日種無益想
時化沙門即說偈言

夫人得善利 乃來自歸佛 是故當晝夜
常念佛法眾 已知自覺意 是為佛弟子
常當晝夜念 佛與法及眾 念身念非常
念戒布施德 空不願無想 晝夜當念是
時化沙門在於窟中為弗加沙說非
常之要弗加沙王思惟意定即得阿

法句譬經卷第一 第三張 跋

那含道佛知已解為現佛身光明相
好弗加沙王驚喜踊躍稽首作礼佛
重告之曰罪對無常畢故莫恐弗加
沙王言敬奉尊教忽然別去明日食
時弗加沙王入城分衛於城門中途
新產犍牛護犍經弗加沙王潰腹
命終即生阿那舍天佛遣諸弟子耶
旬起塔佛語諸弟子罪對之根不可
不慎

法句譬喻經慈仁品第七

昔佛在羅閱祇去國五百里有山山
中有一家有百三十二人生長山藪
煞獍為業衣皮食肉初不田作奉事
鬼神不識三尊佛以聖智明其應度
往詣其家坐一樹下男子行獨唯有
婦女在見佛光相明照天地山中木
石皆變金色大小驚喜知佛神人皆
往礼拜供施坐席佛為諸母人說然
生之罪行慈之福思愛一時會有離
別諸母人聞經歡喜前白佛言山民
貪害以內為食欲設微供願當納受
佛告諸母人諸佛之法不以肉食吾
已食來不須復辦因告之曰夫人生世

法句譬經卷第一 第三張 跋

所食無數何以不作有益之食而殘害群生以自濟活死墮惡道損而無益人食五穀當愍眾生蠕動之類莫不貪生熟彼活已殃罪不朽慈仁不煞世世無患於是世尊即說偈言

為仁不煞 常能攝身 是處不死
所適無患 不煞為仁 慎言守心
是處不死 所適無患 垂拱無為
不害眾生 無所燒惱 是應梵天
常以慈哀 淨如佛教 知足知止
是處生死

佛說偈已男子獨還諸婦聽經不復行迎其夫驚疑怖不如常毒肉來歸謂有變故至見諸婦皆坐佛前又手聽經瞋恚聲張欲毀佛諸婦諫曰此是神人勿與惡意也即各悔過為佛作禮佛重為說不煞之福殘害之罪夫主意解長跪白佛吾等生長深山以無獵自居罪過累積當行何法得免重殃於是世尊即說偈言

履仁行慈 博愛濟眾 有十一譽
福常隨身 臥安覺安 不見惡夢
天護仁愛 不毒不兵 水火不害

法句譬經卷第一 第三十六 頌

所在得利 死昇梵天 是為十一
佛說偈已男女大小百三十二人歡欣信受皆奉持五戒佛語說沙王給其田地賜與繫食仁化廣普國界安寧昔有大國王名和點處在邊境未親三尊聖妙之化奉事梵志外道妖蠱舉國奉邪煞生祭祀以此為常時王母病瘵頻著林使諸醫師不蒙湯藥遂諸醫女所在請求經年歷歲未得除老更召國內諸婆羅門得二百人請入令坐供設飲食而告之曰吾大夫入病困經久不知何故乃使如此卿等多智明識相法天地星宿有何不可具見告示諸婆羅門言星宿倒錯陰陽不調故使余耳王曰作何方宜使得除愈婆羅門言當於城外平治淨處郊祠四山日月星宿當得百頭畜生種種各異類及一小兒然以祠天王自躬身將母至彼跪拜請命然後乃差王即供辦如其所言駭人為馬牛羊百頭隨道悲鳴震動天地從東門出當就祭壇煞以祠天世尊大慈普濟眾生愍是國王煩愚之甚云何

法句譬經卷第一 第三十七 頌

與惡煞眾生命欲救一人於是世尊將從大眾往到其國在城東門遙歸逢王及婆羅門輩所馳畜生悲鳴而來王遙見佛如日初出如月盛滿光相炳然照曜天地人民見者莫不受敬所馳畜生祭饌之具皆願求脫王即前進下車却蓋為佛作禮又手長跪問評世尊佛命令坐問欲所至拱手答言國大夫人得病經久良醫神祇無不周遍今始欲行解謝星宿四山五岳為母請命冀蒙得差佛告大王善聽一言欲得穀食當行耕種欲得大富當行布施欲得長命當行大慈欲得智慧當行學問行此四事隨其所種還得其果夫富貴之家不貪貧賤之食諸天以七寶為宮殿衣食自然豈當捨甘露之食來食鹿麋也祠祀姪亂以邪為正煞生求生去生道遠煞言眾命欲救一人安得如此於是世尊即說偈言

若人壽百歲 勤事天下神 為馬用祭祀 不如行一慈
佛說偈時即放光明照照天地三塗

法句譬經卷第一 第三十八 頌

八難莫不歡喜各得其所國王和默聞說妙法又親光明甚大歡喜即得道迹病母聞法五情悅豫所患消除二百梵志親佛光相重聞其言慚愧悔過願為弟子佛盡受之皆作沙門各得如願王及大目請佛供養一月乃去以法治正國遂興隆

法句譬喻經言語品第八

昔弗加沙王入羅閱祇城分衛於城門中為新產犍牛所舐煞牛主怖懼賣牛轉與他人其人牽牛欲飲之牛從後復舐煞其主其主有子瞋恚取牛煞之於市賣肉有田舍人買取牛頭骨擔持歸去舍里餘坐樹下息以牛頭掛樹枝上須臾繩斷牛頭來下正墮入上牛角刺人即時命終一日之中凡煞三人瓶沙王聞之恠其如此即與群目行詣佛所到作礼畢却坐王位又手白佛言大可恠世尊一頭犍牛而煞三人將有變故願聞其意佛告瓶沙王罪對有原非適今也王曰願聞其由佛言往昔有賈客三人到他國治生寄住欲獨老母舍應雇舍直見

法句譬喻經卷第一

第三十講

歌

老母孤獨歎不欲與伺老母不在默聲捨去竟不與直老母來歸不見賈客即問比居去皆已去老母瞋恚尋後追逐疲頓乃及責索舍直三賈客逆罵詈言我前已相與云何復索同聲共舐不肯與直老母單弱不能奈何懷惱呪誓語三賈客我今窮厄何忍欺舐於我願我後世所生之處若當相值要當煞汝正使得道終不相置也煞汝乃休不尔不止佛語瓶沙王余時老母者今此犍牛是也三賈客者弗迦沙等三人為牛所舐煞者是也於是世尊即說偈言

惡言罵詈 憐陵蔑人 興起是行 疾怨茲生 遜言順辭 尊敬於人 稟結忍惡 疾怨自滅 夫士之生 斧在口中 所以斬身 由其惡言 佛說是時瓶沙王官屬一切莫不朱書頌崇善行作礼而去

法句譬喻經雙要品第九

昔舍衛國王名波斯匿來至佛所下車却蓋解綯脫履拱手直進五體投地稽首足下長跪白佛願以來日於四街道施設微食欲使國人知佛至尊

法句譬喻經卷第一

第三十講

歌

願令衆生遠鬼魅盡悉奉五戒以消國患佛言善哉夫為國主宜有明導率民以道求來世福王曰至真請退嚴辦手自為饌身往奉迎佛與衆僧俱至四衢佛至就座即行澡水手自斟酌佛飭食畢於四道頭為王說法觀者無數時有兩商人一人念曰佛如帝王弟子猶忠目佛陳明法弟子誦宣斯王明矣知佛可尊屈意奉之一人念曰斯王愚我介為國王將復何求佛者若牛弟子猶車彼牛牽車東西南北佛亦如是子有何道而下意奉之二人俱去行三十里亭宿沽酒共飲平論屬事其善念者四王謨之其惡念者太山鬼神今酒入腹如火燒身出亭路卧死轉轍中晨商人車五百乘轉煞之焉伴明日求之已然日還國見疑煞人取物去不義輕身委財逝至他國國王崩亡無有太子識書云中土有微人當王斯土故王有神馬任王必屈膝即具嚴駕神馬即綬行求國主親者數千商人亦出國太史曰彼有黃雲之蓋斯王者氣也神馬

法句譬喻經卷第一

第三十一講

歌

屈膝欲商人足群目豫作香湯澡浴拜為國王於是遂處位聽省國事深自思曰余無微善何緣獲此必是佛恩使之然也即與群臣向舍衛國遙稽首日賤人無德蒙世尊慈恩得王此國明日願與應真眾俱垂意願斯一時三月佛告阿難勅諸比丘明日彼王請皆當作變化令彼國王人民歡喜各作神足往到彼國皆次就座如法儼然下食畢訖淨手為王說法王曰吾本微人素無使德何緣獲斯佛告王曰昔彼大王修佛於四衢道王心念言佛如國王弟子猶目下王種斯核今自獲果後一人云佛者若牛弟子猶車彼人自種車轆之核今在太山地獄為火車所轆自獲其果然非王勇健所能致矣為善福隨為惡禍追此為自作非天龍鬼神所不能與此於是世尊即說偈言

心為法本 心尊心使 中心念惡
即言即行 罪苦自追 車轆於轍
心為法本 心尊心使 中心念善
即言即行 福樂自追 如影隨形

法句喻經卷第一 第三十二 頌

佛說經偈已王及目民聽者無數皆大歡喜逮得法眼

昔長者須達買太子園田共造精舍奉上世尊各請佛及僧供養一月佛為二人廣陳明法皆得道跡太子祇陀歡喜還東宮歎佛之德作樂自娛祇弟瑠璃常在王邊時王素服與諸近目及後宮夫人往詣佛所稽首礼畢一心聽經瑠璃在後典衛御座時諸接目阿薩陀等奸謀啓曰試著大王印綬坐御座上如似王不於是瑠璃即隨其言被服昇座諸使目等皆共拜賀正似大王千載遭遇梨庶之願豈使東宮闕闕於此此之御座豈可昇而復下也即率所從貫甲拔劍自就到祇陀精舍斤破大王不得還宮與王官屬戰祇陀聞驚王近目五百餘人王與夫人播逆晨夜至舍夷國中道飢餓王敗蘆腹脹而薨於是瑠璃遂即專制便拔劍入東宮斫煞兄祇陀知無常心不恐懼顏色不變含笑熙怡甘心受刃命未絕聞虛空中自然音樂聲迎其魂神佛於祇陀即說偈言

法句喻經卷第一 第三十三 頌

造喜後喜 行善兩喜 彼喜唯歡
見福心安 今歡後歡 為善兩歡
厭為自枯 受福悅豫

是時瑠璃王尋與兵眾伐舍夷國煞害釋種道跡之人殘暴無道五逆兼備佛記瑠璃不孝不忠眾罪深重却後七日當為地獄火所燒煞又太史記記與佛同王大怖懼即乘船入江吾今慶水火焉得來七日山有自然火從水中出燒船覆沒王亦被燒恐怖毒熱忽然沉終於是世尊即說偈言
造憂後憂 行惡兩憂 彼憂唯懼
見罪心懷 今悔後悔 為惡兩悔
厭為自殃 受罪熱惱

佛說是已告諸比丘太子試者不貪榮位守死懷道上生天上安樂自然瑠璃王者狂愚快意死墮地獄受苦無數一切世間豪貴賤皆歸無常無長存者是以高士殞命全行為精神寶佛說是時莫不信受

昔者闍崛山後有婆羅門七十餘家宿福應度佛到其村現道神化眾人見佛光相巍巍莫不敬伏佛坐樹下

法句喻經卷第一 第三十四 頌

問諸梵志居此山中為幾何世有何方業以自供給答曰居此以來三十餘世田作畜牧以此為業又問奉備何行求離生死答曰事日月水火隨時祭祠若有死者大小聚會唱生梵天以離生死佛語諸婆羅門夫田作畜牧祭祠日月水火唱生天非是長存離生死法極福無過二十八天無有道意還墮三塗唯有出家修清淨志履行寂義可得過於是世尊即說偈言以真為偽 以偽為真 是為邪計不得真利 知真為真 見偽為偽 是為正計 必得真利 世皆有死三界無安 諸天雖樂 福盡亦宜觀諸世間 無生不終 欲離生死當行道真

七十婆羅門聞佛所說欣然意解願作沙門佛言善來比丘願隨自墮皆步沙門佛與比丘共還精舍至於中路顧應妻息各有退意時遇天雨益懷憂慘佛知其意便於道邊化作數十間舍入中避雨而舍穿漏佛因舍漏而說偈言

蓋屋不密 天雨則漏 意不惟行

雖洪為穿 蓋屋善密 雨則不漏 攝意惟行 姪道不生

七十沙門聞說此偈雖強自進猶懷營營雨止前行地有故紙佛告比丘取之受教即取佛問比丘此為何紙諸比丘白佛此裏香紙今雖捐棄康香如故佛復前行地有斷索佛告比丘取之受教即取佛復問曰此何等索諸比丘白佛其索腥臭此繫魚之索佛語比丘夫物本淨皆由因緣以興罪福近賢明則道義隆近愚闇則殃罪臻彼彼索近香則香繫魚則腥漸染習習各不自覺於是世尊即說偈言

鄙天漆人 如近臭物 漸迷習非 不覺成惡 賢夫漆人 如附香熏 進習習善 行成芳潔

七十沙門重聞此偈知家欲為穢故妻子為桎梏執信堅固往至精舍攝意惟行得羅漢道

法句譬喻經放逸品第十

昔佛在世時有五自賈客從海中出大持七寶還歸本國經歷深山為惡鬼所迷不能得出糧食乏盡窮殞困厄

法句譬喻經卷第一 第三十五 頌 歐

遂皆餓死所賣寶花散在山間時有沙門在山中學見其如此便起想念吾勤苦學道積已七年不能得道又復貧窮無以自濟此寶物無主取之持歸用立門戶於是下山拾取寶物藏著一處訖便出山求呼兄弟資贍持歸方到道半佛念比丘應當得度佛便化作一比丘尼剃頭法服莊面畫眉金銀瓔珞隨谷入山道逢沙門頭面作札問訊起居道人呵比丘尼曰為道之法應得余不剃頭著法衣云何復莊面畫眉瓔珞身體也比丘尼答曰沙門之法為應余不辭親學道山居靜志云何復取非其財物貪欲忌道快心放意不計無常生世如寄罪報延長於是比丘尼為說偈言

比丘謹慎戒 放逸多憂慙 寢靜小致大 積惡入火焚 守戒福致喜 犯戒有懼心 能斷三界漏 此乃近涅槃

是時比丘尼說此偈已為現佛身相好光明沙門見之悚然毛豎稽首佛足悔過自陳愚癡迷謬違犯正教往而不返其將奈何於是世尊即說偈言若前放逸 後能自禁 是照世間

法句譬喻經卷第一 第三十七 頌 歐

念定其宜 過失為惡 追覆以善

是照世間 念善其宜 少壯捨家

威修佛教 是照世間 如月雲消

人前為惡 後止不犯 是照世間

如月雲消

於是比丘重聞此偈結解食止稽首

佛足還到樹下數息相隨止觀還淨

獲道果證成阿羅漢

法句譬喻經心意品第十一

昔佛在世時有一道人在河邊樹下學

道十二年中貪想不除走心散意但

念六欲目色耳聲鼻香口味身更心

法身靜意遊曾無寧息十二年中不

能得道佛知可度化作沙門往至其

所樹下共宿須臾月明有龜從河中

出來至樹下復有一水狗飢行求食與

龜相逢便欲欲龜龜縮其頭尾及其

四脚藏於甲中不能得取水狗小遠

復出頭足行步如故不能奈何遂便

得脫於是道人問化沙門此龜有護

命之鑑水狗不能得其便化沙門答

曰吾念世人不如此龜不知無常放

恣六情外魔得便形壞神去生死無

法句譬喻經卷第一 第二十八節 歌

端輪轉五道苦惱百千皆意所造宜
自勉勵求滅度安於是化沙門即說
偈言

有身不久 皆當歸土 形壞神去

寄住何貪 心豫造慶 往來無端

念多邪僻 自為招患 足意自造

非父母為 可也向正 為福勿迴

藏六如龜 防意如城 慧與魔戰

勝則無患

於是比丘聞說此偈食斷望止即得

羅漢道知化沙門是佛世尊敬肅整

服稽首佛足天龍鬼神莫不歡喜

法句譬喻經華香品第十二

昔佛在舍衛國國東南海中有臺

臺上有華香樹樹木清淨有婆羅門

女五百人奉事異道意甚精進不知

有佛於時諸女自相謂曰我等冀形生

為女人從少至老為三事所鑑不得

自由命又短促形如幻化當復死亡

不如共至華香臺上採取香華精進

持齋降屈梵天當從求願願生梵天長

壽不死又得自在无有罣忌離諸罪

對無復憂患即賣供具往至臺上採

法句譬喻經卷第一 第三十二節 歌

取華香奉事梵天一心持齋願屈尊
神於是世尊見此諸女雖為俗齋其
心精進應可化度即與大眾弟子菩
薩天龍鬼神飛昇虛空往至臺上坐
於樹下諸女歡喜謂是梵天自相慶
慰得我所願矣時一天人語諸女言
此非梵天是三界尊号名為佛度人
無量於是諸女前至佛所為佛作礼
前白佛言我等多垢今為女人未離
鑑檢願生梵天佛言諸女快得善利乃
發此願世有二事其報明審為善受福
為惡受殃世間之苦天上之樂有為
之煩無為之寂誰能選擇取其真者
善哉諸女乃有明志於是世尊即說
偈言

孰能擇地 捨鑑取天 誰說法句

如擇善華 學者擇地 捨鑑取天

善說法句 能採德華 知世坏喻

幻法忽有 斷魔華敷 不現死生

見身如沫 幻法自然 斷魔華敷

不現死生

於是諸女聞佛此偈願學真道為比
丘尼頭踰自墮法衣具足思惟寂定

法句譬喻經卷第一 第四十節 歌

即得羅漢道阿難白佛言今此諸女素有何德乃令世尊就而度之一聞說法出家得道也佛告阿難昔迦葉佛時有大長者財富無數夫人姝女有五百人其性妬惡門不妄開夫人姝女欲往見佛終不肯聽後日國王請諸大目上殿宴會會輒竟日時夫人姝女見長者入會便共至佛所稽首作礼小坐聽經各發願言令我世世莫與惡人共相遭遇所生之處恒與道德聖人相值聞來世有佛名釋迦文願與相值出家學道奉持訓誨佛語阿難余時夫人姝女五百人者今此五百比丘尼是本願懇惻今應得度是以世尊就度之耳佛說是時莫不歡喜法句譬喻經卷第一

乙巳歲高麗國大藏都監奉
勅雕造

法句譬喻經卷第一第四十一張 默

法句譬喻經卷第二

晉世沙門法炬共法立譯

喻華香品之二

昔佛始得道在羅閱祇園教化轉到舍衛國國王群臣莫不宗仰時有賈客大人名曰波利與五百賈人入海求寶時海神出掬水問波利言海水為多掬水為多波利答曰掬水為多所以者何海水雖多無益時用不能救彼飢渴之人掬水雖少值彼渴者持用與之以濟其命世世受福不可稱計海神歡喜讚言善哉即脫身上八種香環授以七寶以上波利海神送之安善性還到舍衛國持此香環上波斯匿王具陳所由念是香環非小人所服謹以貢上願蒙納受王得香環以為奇異即呼諸夫人羅列前住若軍好者以香環與之六万夫人盡嚴來出王問末利夫人何以不出侍人答言今十五日持佛法齋素眼不嚴是以不出王便瞋恚遣人呼曰汝今持齋應違王主之命不乎如是三

反末利夫人素服而出在眾人中猶如日月倍好於常王意悚然加敬問曰有何道德炳然有異夫人白王自念少福稟斯女形情態穢垢日夜山積人命促短懼墜三塗是以日月奉佛法齋割愛從道世世蒙福王聞歡喜便以香環以與末利夫人夫人答言我今持齋不應著此可與餘人王曰我本發意欲與勝者卿今寂勝又奉法齋道志殊高是以相與若卿不受吾將安置夫人答言大王勿憂願王屈意共到佛所以此香環奉上世尊并採聖訓累劫之福矣王即許焉即勅嚴駕往到佛所稽首於地却就王位王白佛言海神香環波利所上六万夫人莫不貪得末利夫人與而不取持佛法齋心無貪欲謹以上佛願垂納受世尊弟子執心護齋直信如此豈有福乎於是世尊為受香環即說偈言

多作寶華 結步攝綺 廣積德香
所生轉好 琦草芳華 不逆風熏
近道敷開 德人逼香 栴檀多香

青蓮芳花 雖曰是真 不如戒香

華香氣微 不可謂真 持戒之香

到天殊勝 戒具成就 行無放逸

定意度脫 長離魔道

佛說偈已重告王曰齋之福祐明譽

廣遠辟如天下十六大國滿中珍寶

持用布施不如末利夫人一日一夕

持佛法齋如比其福須弥以豆矣積

福學慧可到泥洹王及夫人群目大

小莫不歡喜執戴奉行

昔佛在羅閱祇者闍崛山中於時城中

有長者子五十人往詣佛所作礼却坐

時佛為說無常苦空非身之法思愛如

夢會當別離尊榮豪貴亦有憂感唯

有泥洹永離生死群歎滅乃可大安

時五十人聞法喜悅願為弟子佛言

善來比丘鬚髮自墮法衣具足即成沙

門此諸沙門有親友長者聞其出家意

大歡喜往到崛山與之相見讚言諸君

快哉善利乃有此志為之設壇請佛及

僧明日佛與眾會就其舍食食訖說法

時乃還此諸新學沙門慈慕宗黨

皆欲返退佛知其意將出城門見田

法句喻經卷第二 第三誡 跋

溝中行泥糞壤中生蓮華五色香潔
其香芬重乃散諸臭佛便越之因說
偈言

如作日薄 近於大道 中生蓮華

香潔可意 有生死然 凡夫處邊

智者樂出 為佛弟子

佛說偈已即還山中賢者阿難前白

佛言向者世尊臨田溝上所說二偈

不審其義願聞其意佛告阿難汝見

溝中汙泥不淨糞壤之中生蓮華不

唯然見之佛言阿難人在世間展轉

相生計壽百歲或長或短妻子恩愛

飢渴寒熱或悲或欣一凶二吉三毒

四倒五陰六入七識八邪九惱十惡

猶如田溝畜藏糞壤汙泥不淨歟有

一人覺世無常發心學道修清淨志

凝神斷想自致得道亦如汙泥生好

蓮華身自得道還度宗親一切眾生

皆蒙開解亦如華香奄蔽臭穢五十

比丘聞佛說法進志堅固即得阿羅

漢道

法句譬喻經愚闇品第十三

昔佛在舍衛國時城中有婆羅門年向

法句喻經卷第二 第四誡 跋

八十財富無數為人頑闇慳貪難化

不識道德不計無常更作好舍前床

後堂涼臺煖室東西廂廡數十梁間

雖後堂前拒陽未訖時婆羅門恒自

經營指授眾事佛以道眼見此老翁

命不終日當就後世不能自知而方忿

忿形瘦力竭精神無福甚可憐愍佛將

阿難往到其門慰問老翁得無勞倦

今作此舍皆何所安老翁答言前序待

客後堂自處東西二廂當安兒息財物

僕使夏上涼臺冬入溫室佛語老翁

久聞宿德思遲談講偶有要偈存立

有益欲以相贈不審可小廢事共坐

論不也老翁荅言今正大懷不容坐

語後日更來當共善叙所云要偈便

可說之於是世尊即說偈言

有子有財 愚惟汲汲 我且非我

何憂子財 暑當止此 寒當止此

愚多豫慮 莫知來變 愚蒙愚極

自謂我智 愚而勝智 是謂極愚

婆羅門言善說此偈今實太懷後來

更論之於是世尊傷之而去老翁於

後自授屋椽椽墮打頭即時命過室家

法句喻經卷第二 第五誡 跋

啼哭驚動四隣佛去未遠便有此變佛到里頭逢諸梵志有數十人前問佛言從何所來佛言屢到此死翁舍為翁說法不信佛語不知無常今者忽然已就後世具為諸梵志更說前偈義聞之欣然即得道跡於是世尊而說偈言愚闇近智如瓢斟味雖久狎習猶不知法開達近智如舌嘗味雖須臾習即解道要愚人施行為身招患快心作惡自致重殃行為不善退見悔慙致涕淚面報由宿習

時諸梵志重聞此偈益懷驚信為佛作禮歡喜奉行

昔佛在舍衛國給孤獨精舍為諸天人說法時波斯匿王有一寡女名曰金剛壯寡未歸父母家慙別為宮舍作好舍宅給五百妓女以娛樂之衆中有一長老青衣名曰度勝恒行市買脂粉香華時見男女無數大衆各賣香華出城詣佛即問行人欲何所至衆人答言佛出於世三界之尊度脫衆生皆得涅槃度勝聞之心悅意喜即自念言會

老見佛宿世之福便分香直持買好華隨衆人輩往到佛所作禮却立散華燒香一心聽法已過市取香因聽法功德宿行所追香氣熏聞斤兩倍前嫌其遲晚而共詰之度勝奉道即如事言世有聖師三界之尊擊無上法鼓震動三千往聽法者無央數人實隨聽法是以稽遲金剛之徒聞說世尊法義深妙非世所聞悚然心歡而自歎曰吾等何罪獨自不聞即報度勝試為我說之度勝曰曰身賤口穢不敢便宣乞更詰受如命說之即便遣出重告之曰具受儀式度勝未還金剛侍女側息中庭如子待母佛告度勝汝還說法多所度脫說法之儀先施高座度勝受勅具宣聖旨皆大歡喜各脫衣服一領積為高座度勝洗浴承佛威神如應說法金剛之等五百餘人疑解破惡得須陀洹道說法甚美不覺失火一時燒死即生天上王將人從來欲救火見之已燃反拾棺殮送畢訖往過佛所為佛作禮却坐常位佛問王曰所從來也王又手

言女金剛不幸不覺失火大小燒盡適棺殮還不審何罪遇此火害唯願世尊哀告未聞佛告大王過去世時有城名波羅奈有長者婦將姝女五百人至城外大祠祀其法難犯他姓之人不得到邊不問親疎其有來者擲著火中時世有一辟支佛名曰迦羅處在山中晨來分衛暮輒還山迦羅分衛來趣郊祠長者婦見之忿然瞋恚共捉迦羅撲著火中舉身焦爛便現神足飛昇虛空衆女驚怖泣淚悔過長跪舉頭而自陳曰女人蠢愚不識至真群愚荒駭毀辱神靈自惟過墮罪惡若山願降尊德以消重殃尋聲即下而般泥洹諸女起塔供養舍利佛為大王而說偈言愚惡作惡不能自解殃追自焚罪成熾燃愚所望處不謂適苦臨墮厄地乃知不善佛告大王余時長者婦今王女金剛是五百侍女今度勝等五百伎女是罪福追人久無不彰善惡隨人如影隨形說是法時國內大小信伏歡喜

咸歸三尊皆受五戒即得道跡

法句譬喻經明指品第十四

昔有梵志其年二十天才自然事無大小過目則能自以聰指而自指曰天下技術要當盡知二藝不通則非明達也於是遊學無師不造六藝雜術天文地理醫方鎮壓山崩地動揮指博弈技樂搏掇裁割衣裳大繡綾綺厨膳切割調和滋味人間之事無不兼達心自念曰丈夫如此誰能及者試遊諸國摧伏能對奮名四海技術衡天然後載功竹帛垂勲百代於是遊行徃至一國入市觀視見有一人坐作角弓折筋治角用手如飛作弓調快買者諍前即自念曰少來所學自以具足邂逅自輕不學作弓若彼闢技吾則不如矣當從受學耳遂從弓師求為弟子盡心受學月日之中具解弓法所作巧妙乃踰於師布施財物奉辭而去之一國當渡江水有一船師用船若飛迴旋上下便疾無雙復自念曰吾技雖多未曾習船雖為賤術其於不知宜當學之乃

法句譬喻經卷第二

第九段

跋

技悉備遂從船師願為弟子供奉盡敬竭力勞勩月日之中知其逆順御船迴旋乃踰於師布施財物奉辭而去復至一國國王宮殿天下無雙即自念曰作此殿匠巧妙乃余自隱遊來偶不學之若與梵術必不勝矣且當復學意乃足耳遂求殿匠願為弟子盡心供養執持斤斧月日之間具解尺寸方圓規矩雕文刻鏤木事盡知天才明朗事輒勝師布施所有辭師而去周行天下遍十六大國命設角技獨言隻步無敢應者心自貢高曰天地之間誰有勝我者佛在祇洹遙見此人應可化度佛以神足化作沙門拄杖持鉢在前而來梵志由來國無道法未見沙門位是何人須至當問須臾來到梵志問曰百王之則未見君輩衣裳制度無有此服宗廟異物不見此器君是何人形服改常也沙門答曰吾調身人也復問何謂調身於是沙門因其所習而說偈言

法句譬喻經卷第二

第十段

跋

智者意重 毀譽不傾 辟如深樹 澄靜清明 慧人聞道 心淨歡然 於是沙門說此偈已身昇虛空還現佛身三十二相八十種好光明洞達照曜天地從虛空來下謂其人曰吾道德變化調身之力也於是其人五體投地稽首問曰願聞調身其有要乎佛告梵志五戒十善四等六度四禪三解脫此調身之法也夫弓船木匠六藝奇術斯皆綺縠華舉之事蕩身縱意生死之路也梵志聞之欣然信解願為弟子佛言沙門善來歸跋自墮即成沙門佛重為說四諦八解之要尋時即得阿羅漢道

法句譬喻經卷第二

第十一段

跋

却今乃得生此貧家作子穰草之中以甄揭自覆食飲慮惡纔自支身如此至久云何得道皆坐前世惡慕富貴放身散意快樂須臾從余以長塗受苦如今憂惱當何待怙一人答曰我今時小難一時之懃竟不意精進而令數世遭諸苦患此是自為非父母作也但共當之復何所言父聞二子相責如是甚大怙之謂呼是鬼祟來生災變云何數十日小兒乃作此言恐其後曰然親滅族毋小未大宜當煞之其父驚出閉門捨去到田取薪欲燒煞之其母未還問夫用此薪為夫言甚大可怙所說如此似是鬼必破人門族以其曼小欲燒煞之其母聞此意中愕然猶豫未信小停數日更聽其言至明日夫婦俱出於戶外潛聽二兒在內相責如故夫婦重共聞之甚怙所以便共集薪密欲燒之佛以天眼見此夫婦欲燒煞二子愍其可憐宿福應度往到其村普放光明天地大動山川樹木皆作金色村中大小驚到佛所為佛作礼

法句喻經卷第二

第十三

戒

莫不歡喜知佛至神三界無比佛到雙生小兒家二兒見佛光明喜踊難量父母又驚各抱一子將至佛所問佛世尊此小兒生來五六日所說如是甚共怙之恐作禍害欲火燒煞之正值佛來未及得燒不知此小兒為是何等鬼魅也唯願解說是何怙小兒見佛踊躍歡喜佛見小兒大笑口出五色光普照天地佛告小兒父母及村人大小此二小兒非是鬼魅福德之子前迦葉佛時曾作沙門少小共為朋友同志出家各自精進臨當得道欬起邪想共相沮敗樂世榮華恃福生天下為侯王國主長者欬起是想便墮退轉不得涅槃更此生死弥連劫數常相鉤牽輒共雙生遭我世時今始乃生已往供養佛功德故餘福應度罪滅福生自識宿命是以世尊故求度之我不度者橫為火所燒於是世尊即說偈言

大人體無欲在所照然明雖或遭苦樂不高現其智大賢無世事不顧子財國常守戒慈道不貪邪富貴智人知動搖

法句喻經卷第二

第十三

戒

辟如沙中樹朋友志未強隨色染其素佛說是時小兒見佛其身即踊如八歲小兒即作沙弥得羅漢道村人大小見佛光相又見小兒形變踊大皆大歡喜得須陀洹道父母疑解亦得法眼

法句譬喻經羅漢品第十五

昔有一國名曰那梨近南海邊其中人民採真珠梅檀以為常業其國有一家兄弟二人父母終亡欲求分異家有一奴名曰分那年少聰了賈販市買入海治生無事不知居家財物分為一分以奴分那持作一分兄弟擲籌弟得分那止將妻子空手出舍時世飢餓唯得分那恐不相活以為愁憂時奴分那白大家言願莫愁憂分那作計月日之中當令勝兄大家言若審能令者放汝為良人大家夫人有私珠物與分那作本時海潮來城內人民至水邊取薪分那持珠物出至城外見一乞兒負薪薪中有牛頭栴檀香可治重病一兩直千兩金時世有一不可常得分那識之以金錢二枚買得持

法句喻經卷第二

第十三

戒

歸破作數十段時有長者得重病當須此牛頭栴檀香二兩合藥求不能得分那持往即得二千兩金如是賣盡所得不啻富元十倍大家感念分那之恩不違言指放為良人隨意所樂於是分那辭行學道到舍衛國為佛作礼長跪白佛所出微賤心樂道德唯願世尊垂慈濟度佛言善來分那頭駸自墮法衣著身即成沙門佛為說法尋得羅漢道坐自思惟今得六通存亡自由皆主人之恩今當往度并化國人於時分那往到本國至主人家主人歡喜請坐設食食訖澡手飛昇虛空分身散體半出水火光明洞達從上來下告主人曰此之神德皆是主人放捨之福往到佛所學如是主人答曰佛之神化微妙乃余願見世尊受其教訓分那答曰但當志心供設饌具佛三達智必自來矣即便設供宿昔已辦向舍衛國稽首長跪燒香請佛唯願屈尊廣度一切佛知其意即與五百羅漢各以神足往到其舍國王人民莫不敬肅求至佛所五

法句譬喻經卷第二 第十五張

體投地却坐王位食畢澡訖佛為主及王官屬廣陳明法皆受五戒為佛弟子起住佛前歎分那曰在家精懃出家得道神德高遠家國蒙度我當云何以報其恩於是世尊重歎分那而說偈言
心已休息 言行亦止 從正解脫 寂然歸滅 棄欲無著 彼三界障 望意已絕 是謂上人 若聚若野 平地高岸 應真所過 莫不蒙度 彼樂空閑 衆人不能 快哉無望 無所欲求
佛說偈已主八及王益加歡喜供養七日得須陀洹道
法句譬喻經卷第二 第十六

法句譬喻經卷第二 第十六張

為世解說其義一心諦聽般特受教而聽佛即為說身三口四意三所由觀其所起察其所滅三界五道輪轉不息由之昇天由之墮淵由之得道涅槃自然分別為說無量妙法時般特惺然心開即得羅漢道今時有五百比丘尼別有精舍佛日遣一比丘為說經法明日般特次應當行諸尼聞之皆豫含笑明日來者我等當共逆說其偈令之慚愧無所一言明日般特往諸比丘尼大小皆出作礼相視而笑坐畢下食食已澡手請令說法時般特即上高座自慙否曰薄德下才未為沙門煩此有素所學不多唯知一偈粗識其義當為敷演願各靜聽諸年少比丘尼欲逆說偈口不能開驚怖自責稽首悔過般特即如佛所說一一分別身意所由罪福內外昇天得道疑神斯想入定之法即時諸尼聞其所說甚怪甚異一心歡喜皆得羅漢道後日國王波斯匿請佛衆僧於正殿會佛欲現般特威神與鋒令持隨後而行門士識之留不聽入卿為沙門一

法句譬喻經卷第二 第十七張

偈不了受請何為吾是俗人由尚知
得豈況沙門無有智慧施卿無益不浪
入門時般特即住門外佛坐正殿上行
水已畢般特即擎鉢申辭通以授佛王
及群目夫人太子衆會四輩見辭來
入不見其形恠而問佛是何人辭佛言
是般特比丘辭也近日得道向吾使
持鉢門士不聽來入是以申辭授吾
鉢耳即便請入威神倍常王自佛言
聞般特本性愚鈍方知一偈何緣得
道佛告王曰學不必多行之為上般
特解一偈義精理入神身口意寂淨
如天金人雖多學不解不行徒言議
想有何益哉於是世尊即說偈言
雖誦千章 句義不正 不如一更
聞可滅惡 雖誦千言 不義何益
不如一義 聞行可度 雖多誦經
不解何益 解一法句 行可得道
佛說偈已三百比丘得阿羅漢道王
及群目夫人太子莫不歡喜
昔佛在舍衛國精舍之中為天人說
法時舍衛國中有婆羅門長者名藍
達大富無極其家資財不可計數梵

法句喻經卷第二 第十八張 歌

志之法當作大壇以顯名譽蓋家之
財持用布施作般闍于瑟供養婆羅
門五千餘人五年之中供給衣被牀
榻醫藥珍琦寶物郊祠供具盡所愛
惜諸梵志等五年之中為羅摩達長
者祭祀諸天四山五嶽星宿水火無
不周遍呪願長者長夜受福五歲已
周寂後一日極大布施如長者法金
鉢盛銀粟銀鉢盛金粟為馬車乘奴
婢資財七寶服飾散蓋履屐鹿皮之
衣錫杖踞牀澡罐澡盤牀檣席薦所
應當得事事八万四千盡持布施當
其小日皆來大會鬼神國王大臣梵
志大姓悉來會坐隱隱闍闍莫不歡
欣佛見如是歎然言曰此大姓梵志
何以愚癡所施大多福報薄少如種
火中何從得報也若我不化長難法
門於是世尊便起嚴服化從地出放
大光明普照衆會大小見之怪未曾
有驚怖悚懼不知何神長者羅摩達
及諸大眾頭面著地為佛作禮佛見
衆人皆有敬心因其恭肅便說偈言
月千叉祠 終身不微 不如須臾

法句喻經卷第二 第十九張 歌

一 念造福 勝彼終身
雖終百歲 奉事天神 不如須臾
供養三尊 一供養福 勝彼百年
於是世尊告藍達曰施有四事何等
為四一者施多得福報少二者施少得
福報多三者施多得福報多四者施
少得報亦少何謂施多得福報少者其
人愚癡然生祭祠飲酒歌舞破損財
寶無有福慧何謂施少得報少者以
慳貪惡意施凡道士俱兩愚癡是故
無福何謂施少得福多者能以慈心
奉道慈人道士食已精進學誦施此
雖少其福弥大何謂施多得福多者若
有賢者覺世無常好心出財起立塔寺
精舍集團供養三尊衣服履屐牀檣厨
鑊斯福如五河流入於大海福流如是
世世不斷是為施多其報轉多譬如農
家地有厓子薄所得不同余時藍達長
者座中會人見佛變化聞說法言皆
大歡喜諸天人神皆得須陀洹道五千
梵志皆作沙門得應真道主人藍達
居家大小皆受五戒亦得道迹國王
大臣皆受三自歸為優婆塞亦得法眼

法句喻經卷第二 第二十張 歌

昔佛在舍衛精舍教化時羅閱祇園有一人為人凶惡不孝父母輕侮良善不敬長老居門裏耗常不如意便行事火欲求福祐事火之法日適欲沒燃大火聚向之跪拜或至夜半火滅乃止如是三年不得其福更事日月事日月法晝以日出夜以月明向日月拜沒乃休止如是三年復不得福轉復事天燒香跪拜奉上甘美香華酒脯腊羊牛犢送至貧困故不得福慙苦憔悴病不去門聞舍衛國有佛諸天所宗當往奉事必望得福即到佛所至精舍門瞻觀世尊光相晃然容顏奇異如星中月見佛歡喜頭面作礼叉手白佛生長愚癡不識三尊事火日月及諸天神九年精懃永不蒙福顏色憔悴氣力衰微四大多患死亡無日伏承世尊度人之師故遠自歸願垂福慶佛告之曰汝之所事盡是跋邪魘魅魘魅禱祀如山罪如江海煞生求福去福遠矣正使百劫懃苦盡煞普天腊羊持用禱祀罪如須弥福無芥子徒自費費豈不惑

法句喻經卷第二 第二十一張 跋

我及卿為人孝父母輕易賢善不敬長老憍慢貢高三毒熾盛罪疊日深何緣得福若能改心礼敬賢者威儀礼節供奉長老棄惡信善修已崇仁四福日增世世無患何等為四一者顏色端政二者氣力豐強三者安隱無病四者益壽終不枉橫行之不憚亦可得道於是世尊即說偈言祭神以求福從後觀其報四分未望一不如礼賢者能善行礼節常敬長老者四福自然增色力壽而安

於是其人聞佛此偈歡喜信解稽首作礼重白佛言罪垢所蔽積罪九年幸賴慈化今得開解唯願世尊聽為沙門佛言善來比丘頭髮自墮即成沙門內思安般即得羅漢道

法句喻經惡行品第十七

昔佛在羅閱祇園遣一羅漢名曰須湯持佛髮爪至剎賓南山中作佛面寺五百羅漢常止其中旦夕燒香繞塔礼拜時彼山中有五百獼猴見諸道人供養塔寺即便相將至深澗邊負輦泥石效作佛面堅木立剎幣幡繫頭旦

法句喻經卷第二 第二十三張 跋

夕礼拜亦如道人時山水瀑漲五百獼猴一時漂沒魂神即生第二切利天上七寶殿舍衣食自然各自念言從何所求得生天上即以天眼自見本形獼猴之身效諸道人戲作塔寺雖身漂沒神得生天今當下報故屍之恩各將侍從華香伎樂臨故屍上散華燒香繞之七匝時山中有五百婆羅門外學邪見不信罪福見諸天人散華作樂繞獼猴屍恠而問曰諸天光影巍巍乃余何故屈意供養此屍諸天人言此屍是吾等故身昔在此間效諸道人戲立塔寺山水瀑漲漂煞吾等以此微福得生天上今故散華以報故身之恩戲為塔寺獲福如此若當至心奉佛世尊其德難喻卿等邪見不信正真百劫懃苦無所一得不如共往至耆闍崛山礼事供養得福無限即皆欣然共至佛所五體作礼散華供養諸天人白佛我等近世獼猴之身蒙世尊之恩得生天上恨不見佛今故自歸重白佛言我等前世有何罪行受此獼猴身雖作塔寺身被

法句喻經卷第二 第二十三張 跋

漂然佛告天人此有因緣不從空
生吾當為汝說其所由乃往昔時有
五百年少婆羅門共行入山欲求仙
道時山上有一沙門欲於山上泥治
精舍下谷取水身輕若飛五百婆羅
門興嫉始意同聲笑之今此沙門上
下翻疾亦如猢猻耳何足為奇也如
是取水不止山水一來溺煞不久佛
告諸天人尔時上下沙門我身是也
五百年少婆羅門者五百猢猻身是
戲笑作罪身受其報於是世尊即說
偈言

戲笑為惡 已作身行 嚔泣受報
隨行罪至

佛告諸天人汝之近世雖為獸身乃
能戲笑起作塔寺今得生天罪滅福
興今者復來躬奉正教從此因緣長
離眾苦佛說是已五百天人即得道
迹其所共來水邊五百婆羅門聞罪
福之報而自歎曰吾等學仙積有年
數未蒙果報不如猢猻戲笑為福得
生天上佛之道德實妙乃尔於是稽
首佛足願為弟子佛言善來比丘即

法句喻經卷第二 第二十四頌 歌

成沙門精進日情遂得羅漢道

昔佛在舍衛國精舍之中為諸天人說
法時國王第二兒名曰瑠璃其年二
十將從官屬退其父王伐兄太子自
憐為王有一惡目名曰耶利白瑠璃
王王本為皇子時至舍夷國外家舍
看到佛精舍中為諸釋種子所呵罵
詈無有好醜尔時見勅若我為王便
督此事今時已到兵馬興威宜當報
怨即勅嚴駕引率兵馬往伐舍夷國
佛有第二弟子名摩訶目捷連見瑠
璃王引率兵士伐舍夷國以報宿怨
今當伐煞四輩弟子念其可憐便往
到佛所白佛言今瑠璃王攻舍夷國
我念中人當遭辛苦我欲以四方便
救舍夷國人一者舉舍夷國人著虛空
中二者舉舍夷國人著大海中三者舉
舍夷國人著兩鐵圓山間四者舉舍
夷國人著他方大國中央今瑠璃王
不知其處佛告目捷連知卿有是智
德能安處舍夷國人万物眾生有七
不可避何謂為七一者生二者老三
者病四者死五者罪六者福七者因

法句喻經卷第二 第二十五頌 歌

緣此七事意雖欲避不能得自在如
卿威神可得作此宿對罪負不可得
離於是目捷禮已便去自以私意取
舍夷國人知識檀越四五百人咸著
鉢中舉者虛空星宿之際瑠璃王伐
舍夷國煞三億人已引軍還國於是
目捷往到佛所為佛作礼自貢高曰
瑠璃王伐舍夷國弟子承佛威神救
舍夷國人四五千今在虛空皆盡
得脫佛告目捷卿為往看鉢中人不
也曰未往視之佛言卿先往視鉢中
人眾目連以道力下鉢見中人皆死
盡於是目連悵然悲泣愍其辛苦還
白佛言鉢中人者今皆死盡道德神
力不能免彼宿對之罪佛告目捷有
此七事佛及眾聖神仙道士隱形散
體皆不能免此七事於是世尊即說
偈言

非空非海中 非隱山石間 莫能於此處
避免宿惡殃 眾生有苦惱 不得免老死
唯有仁智者 不念人非惡

佛說是時座上無央數人聞佛說無
常法皆共悲哀念對難免欣然得道

法句喻經卷第二 第二十六頌 歌

逮須陀洹證

法句譬喻經刀仗品第十八

昔有一國名曰賢提時有長老比丘長病委頓羸瘦垢穢在賢提精舍中卧無瞻視者佛將五百比丘往至其所使諸比丘傳共視之為作糜粥而諸比丘聞其臭處皆共賤之佛使天帝釋取湯水佛以金剛之手洗病比丘身體地尋震動燿然大明莫不驚肅國王目民天龍鬼神無央數人往到佛所稽首作禮白佛言佛為世尊三畧無比道德已備云何屈意洗此病瘦垢穢比丘佛告國王及眾會者如來所以出現於世正為此窮厄無護者耳供養病瘦沙門道士及諸貧窮孤獨老人其福無量所願如意辟五河流福來如是功德漸滿會當得道王白佛言今此比丘宿有何罪因病積年療治不差佛告王曰往昔有王名曰惡行治政嚴暴使一多力五百主令鞭人五百假王威怒私作寒熱若欲鞭人責其價數得物鞭輕不得鞭重舉國患之有一賢者為人所誣應當

法句譬喻經卷第二 第二十七誡 跋

得鞭報五百言吾是佛弟子素無罪過為人所枉願小垂恕五百聞是佛弟子輕手過鞭無著身者五百壽終墮地獄中孝掠万毒罪滅復出墮畜生中恒被撻杖五百餘世罪畢為人常嬰重病痛不離身尔時國王者今調達是也時五百者今此病比丘是也時賢者者吾身是也言以前世為其所恕鞭不着身是故世尊躬為洗之人作善惡殃福隨身雖更生死不可得免於是世尊即說偈言

撻杖良善 妄讒無罪 其殃十倍
灾卒無故 生受酸痛 形體毀折
自然惱病 失意恍忽 人所誣者
或縣官厄 財產耗盡 親戚離別
舍宅所有 灾火焚燒 死入地獄
如是為十

時病比丘聞佛此偈及宿命事自知本行剋心自責即於佛前所患除愈身安意定即得羅漢道賢提國王歡喜信解尋受五戒為清信士没命奉行得須陀洹道
昔佛在舍衛國祇樹給孤獨精舍中

法句譬喻經卷第二 第二十八誡 跋

為天人龍鬼說法東方有國名鬱多羅波提昔有婆羅門等五百人相率欲詣恒水岸邊有三祠神池沐浴垢穢裸形求仙如尼捷法道由大澤迷不得過中道之糧遙望見一大樹如有神氣想有人居馳趣樹下了無所見婆羅門等舉聲大哭飢渴委厄窮死斯澤樹神人現問諸梵志道士那來今欲何行同聲答曰欲詣神池澡浴望仙今日飢渴幸哀矜濟樹神即舉手百味飲食從手流溢給眾飮食皆得飽滿其餘食飲足供道糧臨當別去詣神請問本行何德致此巍巍神荅梵志吾本所居在舍衛國時國大目名曰須達飮佛眾僧詣市買酪無提酪者左右顧視倩我提之往到精舍使我對酌訖行澡水儼然聽法一切歡喜稱善無量時我奉齋暮還不食婦恠問我不食何恨荅曰不恨也吾行於市見長者須達於園飮佛我往持齋齋名八開其婦瞋恚忿然言曰瞿曇乱俗奚足採納君毀遺則禍從此興跼迫不已便共俱食時我尔夜年

法句譬喻經卷第二 第二十九誡 跋

壽筭盡終於夜半神來生此為是愚婦敗我齋法不平其業來生斯澤作此樹神提酪之福手出飲食若終齋法應生天上封受自然即為梵志而說頌曰

祠祀種禍根 日夜長枝條 唐苦敗身本齋法度世仙

梵志聞偈迷解信受旋還舍衛路由一國國名拘藍是有長者名曰美音為人恩仁衆人敬仰梵志過宿長者問曰道士那來今欲所至具陳彼澤樹神功德欲詣舍衛造須達所攢採齋法冀蒙得福美音喜踊宿行所迫且自解暢宣令宗室誰能共行受齋戒法合五百人僉然應命本願相引威儀嚴出共詣舍衛未至祇洹道逢須達遇而不識顧問從者此何丈夫對曰須達也梵志衆等喜而追曰吾願成矣求人得人馳趣相見同聲歎曰樹神歎德法仰虛心具說所嚔故來投託冀示法齋住車答曰所求大善吾有尊師名曰如來衆祐度脫人類近在祇洹可共親造即皆敬諾恭肅進前遇見如來情喜難量五體投地

法句譬喻經卷第二 第三十張 歌

還些一面皆共長跪白世尊曰本初發家欲至三池沐浴求仙經由樹神所陳如此是故投化願示極靈於是世尊因其所行而說偈言

雖保剪髮 長服草衣 沐浴跣石 奈疑結何 不伐煞燒 亦不求勝 仁愛天下 所適無惡

五百梵志聞偈歡喜皆作沙門得應真道美音宗等逮得法眼諸比丘白佛言五百梵志及長者等本行何德得道何速世尊告曰過去久遠時世有佛名曰迦葉為諸弟子說法當來五濁之時時有梵志長者千人同發是言令我遭見釋迦文佛今時梵志者今此等梵志是今時長者今美音等是從是因緣見我便解比丘歡喜作礼奉行

法句譬喻經卷第二

乙巳歲高麗國大藏都監奉勅雕造

法句譬喻經卷第二 第三十張 歌

法句譬喻經卷第三

晉世沙門法增共法立譯

耆老耄品第十九

昔佛在舍衛國祇樹精舍食後為天人帝王目民四輩弟子說甘露法時有遠方長老婆羅門七人來至佛所稽首於地又手白佛言我等遠人伏聞聖化久當歸命而多諸尋今乃得來親覲聖顏願為弟子得滅衆苦佛即受之悲為沙門即令七人共止一房然此七人親見世尊尋為得道不惟無常共坐房中但思世事小語大笑不計成敗命曰促盡不與人期但共喜笑迷意三界佛以三達智知命欲盡佛哀愍之起至其房而告之曰卿等為道當求度世何為大笑也一切衆生以五事自恃何謂為五一者恃怙年少二者恃怙端政三者恃怙多力四者恃怙財富五者恃怙貴姓卿等七人小語大笑為何所恃於是世尊即說偈言

何喜何笑 念常熾然 深蔽幽冥

不如求定 見身形範 倚以為安
多想致病 豈知不真 老則色衰
病無光澤 皮緩肌縮 死命近促
身死神從 如御棄車 肉消骨散
身何可估

佛說偈已七比丘意解望正即於佛
前得阿羅漢道

昔佛在舍衛精舍為諸天人帝王說
法時有婆羅門村五百餘家中有五百
年少婆羅門修婆羅術為人憐憫不
敬長老貢高自貴以此為常五百梵
志歎自議言沙門瞿曇自稱為佛三
達權智無敢共論者吾等可共請求
論議事事詰問知為何如即辦供具
往請佛來佛與諸弟子往到梵志村
中坐畢行水食訖澡手時有長老
梵志夫婦二人於此村中共行乞乞
佛知其本大富無數曾作大目佛即
問諸年少梵志汝等識長老婆羅門
不皆言曾識又問本為何似也曰本
為大目財富無數今者何故復行乞
乞皆言散用無道是以守貧佛告諸婆
羅門世有四事人不能行行者得福不

法句譬喻經 第二卷 妙

致此貧何謂為四一者年威力壯慎
莫憐憫二者年老精進不貪婬嫉三
者有財珍寶常念布施四者就師學
問聽受正言如此老公不行四事謂
之有常不計成敗一旦離散譬如老
鵠守此空地永無所獲於是世尊即
說偈言

晝夜惕情 老不止姪 有財不施
不受佛言 有此四蔽 為自侵欺
咄嗟老至 色衰作老 少時如意
老見蹈踐 不修梵行 又不富財
老如白鵠 守斯空地 既不受戒
又不積財 老羸氣竭 思故何逮
老如秋葉 行穢纏錄 命疾脫至
不容後悔

佛告梵志世有四時行道得福得度
可免眾苦何謂為四一者年少有力
勢時二者富貴有財物時三者得遇
三尊好福田時四者當計万物憂離
散時行此四事所願皆獲必得道跡
於是世尊重說偈言

命欲日夜盡 及時可勤力 世間諦非常
莫惑墮冥中 當學熾意燈 自練未習慧

法句譬喻經 第三卷 第三張

離垢勿染汙 執燭觀道地

佛說是時放大光明照曜天地五百
年少梵志因此心解永毛為豎起礼
佛足自佛言歸命世尊願為弟子佛
言善來比丘即成沙門得羅漢道村
人大小皆得道迹莫不歡欣

法句譬喻經受身品第二十

昔有一國名多摩羅去城七里有精
舍五百沙門常處其中讀經行道有
一長老比丘名摩訶盧為人闇塞五
百道人傳共教之數年之中不得一
偈眾共輕之不將會同常守精舍勒
令掃除後日國王請諸道人入宮供養
摩訶盧比丘自念言我生世間闇塞
如此不知一偈人所薄賤用是活為
即持縵至後園中大樹下欲自絞死
佛以道眼遙見如是化作樹神半身
人現而呵之曰咄咄比丘何為作此
摩訶盧即具陳辛苦化神呵曰勿得
作是且聽我言往迦葉佛時卿作三
歲沙門有五百弟子自以多智輕慢
眾人恡惜經義初不訓誨是以世世
所生諸根闇鈍但當自責何為自賊

法句譬喻經 第三卷 第四張 跋

於是世尊現神光像即說偈言

自愛身者 慎護所守 怖望欲解

學正不寐 身為第一 常自勉學

利能誨人 不憚則智 學先自正

然後正人 調身入慧 必還為上

身不能利 安能利人 心調體正

何願不至 本我所造 後我自受

為惡自更 如銅鎖珠

摩訶盧比丘見佛現身光像悲喜慄

慄稽首佛足思惟偈義即入定意尋

在佛前逮得羅漢道自識宿命無數

世事三藏衆經即貫在心佛語摩訶

盧者永持鉢就王宮食在五百道人

上坐此諸道人是卿先世五百弟子

還為說法令得道迹并使國王明信

罪福即受佛教徑入宮裏坐於上座

衆人心悲恚其所以各譏王意不敢

呵謔念其愚冥不曉達觀心為之疲

王便下食手自斟酌摩訶盧即為達

觀音如雷震清辭雨下坐上道人驚

怖自悔皆得羅漢為王說法莫不解

釋羣目百官皆得須陀洹道

昔佛在舍衛國有五百婆羅門常求

法句經卷第三 第五段 跋

佛便欲誹謗之佛三達之智普見人

心慙欲度之其果未熟因緣未到一

切罪福欲求至時自作因緣而迎罪

福此諸梵志宿有微福應當得度福

德牽之自作方宜五百梵志自共議

言當使屠兒煞生請佛及諸衆僧佛

必受請讚歎屠兒吾等便前而共

譏之於是屠兒為之請佛佛即受請

告屠兒言果熟自墮福熟自度屠兒

還歸供設飭食佛將諸弟子到屠兒

村中至檀越舍梵志大小皆共歡喜

今日乃得佛之便耳若當讚檀越福

德者當以其前後煞生作罪持用譏之

佛若當說其由來之罪者當以今日

之福難之二宜之中今日乃得佛便耳

佛到即坐行水下食於是世尊觀察

衆心應有度者即出舌覆面欲耳放

大光明照一城內即以梵聲說偈願

如真人教 以道活身 愚者嫉之

見而為惡 行惡得惡 如種苦種

惡自受罪 善自受福 亦各須熟

彼不相代 習善得善 亦如種甜

佛說偈已五百梵志意自開解即前

法句經卷第三 第六段 跋

禮佛五體投地又手自佛言初惡不及

未達聖訓唯願惡育得為沙門佛即

聽受皆為沙門村人大小見佛變化

莫不歡欣皆得道迹稱之賢聖無復

屠兒之名佛食畢訖即還精舍

法句經卷第三 第二十一

昔有婆羅門國王名多味寫其王奉事

異道九十六種王忽一日發於善心欲

大布施如婆羅門法積七寶如山持用

布施有來乞者聽令自取重一撤去如

是數日其積不減佛知是王宿指應度

化作梵志往到其國王出相見共相禮

問起居曰何所未索莫自疑難梵志

答言吾從遠來欲乞珍寶持作舍宅

王言大善自取重一撤去梵志取一

撤行七步還著故處王問何故不取

梵志答曰此纔足作舍廬耳復當娶

婦俱不足用是以不取王言更取三

撤梵志即取行七步復還著故處王

問梵志何以復余答曰此足娶婦復

無田地奴婢牛馬計復不足是以息

意也王言更取七撤梵志即取行七

步復還著故處王言復何意故梵志

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

法句經卷第三 第二十二

答言若有男女當復嫁娶吉凶用費計不足用是以不取王言盡以積寶持用相上梵志受而捨去王甚怪之重問意故梵志答曰本來乞句欲用生活諦念人命處世無幾万物無常旦夕難保因緣遂重憂苦日深積寶如山無益於已貪欲規畜唐自艱苦不如息意求無為道是以不取王意開解願奉明教於是梵志現佛光相踊住空中為說偈言

雖得積珍寶 崇高至於天 如是滿世間 不如見道迹 不善像如善 愛如似不愛 以苦為樂相 狂夫為所狀

於是國王見佛光相遍照天地又聞此偈踊躍歡喜王及羣目即受五戒得須陀洹道

法句譬喻經述佛品第二十二

昔佛在摩竭提界善勝道場元吉樹下德力降魔坐自惟曰甘露法鼓聞於三千昔父王遣五人供養麻米執侍有勞切報應叙此五人者在波羅奈國於是如來從樹下起相好嚴儀明暉天地威神震動見者喜悅至波羅

法句譬喻經卷第三 第八張 跋

奈國未至中道逢一梵志名曰夏平肆親離家求師學道瞻觀尊妙驚喜交集下在道側舉聲歎曰感雲感人儀雅擬持本事何師乃得斯容佛為愛呼而作頌曰

八正覺自得 無離無所深 愛盡破欲網 自然無師受 我行無師保 志獨無伴侶 積一得作佛 從是通聖道

憂呼聞偈悵惘不解即問世尊瞿曇如行佛告梵志欲詣波羅奈國擊甘露法鼓轉無上法輪三界眾聖未曾有轉法輪遷入入沮洳如我今者也憂

呼大喜善哉善哉我如佛言者願聞甘露如應說法梵志揖已即便過去未到師所於道路宿至其夜半平便命終佛以道眼見其已終悲傷之曰世

間愚癡謂命有常見佛捨去而獨留亡法鼓震動而獨不聞甘露滅苦而獨不嘗展轉五道生死弥長經歷劫

數何時得度佛以慈悲而說偈言 見諦淨無穢 已度五道樹 佛出照世間 為除眾憂苦 得生人道難 生壽亦難得 世間有佛難 佛法難得聞

法句譬喻經卷第三 第九張 跋

佛說此偈時空中五百天人聞偈歡忻皆得須陀洹道

法句譬喻經安亭品第二十三

昔佛在羅閱祇東南三百里有山民村五百餘家為人野強難以導化宿世福願應蒙開度於是世尊化作沙門至村分衛分衛畢竟出於村外樹下坐定入泥洹三昧至千七日不喘不息不動不轉村人見之謂為命終共相謂曰沙門已死當共葬送各持束薪就往燒之火然薪盡佛從坐起現道神化光明照曜感動十方現慶畢訖還坐樹下容體靜安怡悅如故村人大小莫不驚懼稽首謝曰山民頑野不識神人妄以薪火燒於未然自惟獲罪重於太山唯垂慈赦不見咎忿不審神人得無傷病乎將無愁感乎將無飢渴乎將無熱惱乎於是世尊和顏含笑而說偈言

我生已安 不愠於怨 眾人有怨 我行無怨 我生已安 不病於病 眾人有病 我行無病 我生已安 不感於憂 眾人有憂 我行無憂

法句譬喻經卷第三 第十張 跋

我生已安 清淨無為 以樂為食

如先音天 我生已安 恬快無事

彌薪國火 安能燒我

介時村中五百人間說偈已皆作沙

門得羅漢道村人大小皆信三尊佛

與五百人飛還竹園賢者阿難見佛

有何異德乃使世尊自往臨度佛告

阿難我未下為佛時世有辟支佛常

處是山去村不遠在一樹下欲般涅

洹現道神德便取滅度村人持薪火

就往燒之斂取舍利著寶瓶中埋在山

頂各共求願願後得道如是沙門滅

度快樂也緣此福故應當得道是故

如來往度之耳佛說是時天人無數

皆得道迹

昔佛在舍衛國精舍時有四比丘坐於

樹下共相問言一切世間何者最苦

一人言天下之苦無過婬欲一人言

世間之苦無過瞋恚一人言世間之

苦無過飢渴一人言天下之苦莫過

驚怖共諍苦義云云不止佛知其言

往到其所問諸比丘屬論何事即起

法句喻經卷第二 第十一張

作礼具白所論佛言比丘汝等所論

不究苦義天下之苦莫過有身飢渴

寒熱瞋恚驚怖色欲怨禍皆由於身

夫身者衆苦之本患禍之元苦心極

慮憂畏万端三界蠕動更相殘賊吾

我縛著生死不息皆由於身欲離世

苦當求寂滅攝心守正自然無想可

得泥洹此為寂樂於是世尊即說偈言

熱無過婦 毒無過怒 苦無過身

樂無過滅 無樂小樂 小辯小慧

觀求大者 乃獲大女 我為世尊

長解無憂 正度三有 獨降衆魔

佛說偈已告諸比丘往昔久遠無數

世時有五通比丘名精進力在山中

樹下閑寂求道時有四禽依附左右

常得安隱一者鵠二者鳥三者毒蛇

四者鹿是四禽者晝行求食暮則來

還四禽一夜自相問言世間之苦何

者為重鳥言飢渴寂苦飢渴之時身

羸目冥神識不寧投身羅網不顧鋒

刃我等實身莫不由之以此言之飢

渴為苦鵠言婦欲寂苦色欲熾感無

所願念危身滅命莫不由之毒蛇言

法句喻經卷第二 第十二張

瞋恚寂苦毒意一起不避親疎亦能

煞人復能自然虛言驚怖寂苦我遊

林野心恒怵惕畏懼獵師及諸豺狼

踴躍有聲奔投坑岸母子相捐肝膽

悼悻以此言之驚怖為苦比丘問之

即告之曰汝等所論是其末耳不究

苦本天下之苦無過有身身為苦器

憂畏無量吾以是故捨俗學道滅意

斷想不貪四大欲斷苦原志存泥洹

泥洹道者寂滅無形憂患永畢余乃

大安四禽聞之心即開解佛告比丘

余時五通比丘則吾身是時四禽者

今汝四人是也前世已聞苦本之義

如何今日方復云余比丘問之慙愧

自責即於佛前得羅漢道

法句喻經好喜品第二十四

昔佛在舍衛國精舍時有四新學比丘

相將至捺樹下坐憚行道塗華榮茂

色好且香因相謂曰世間万物何者

可愛以快人情一人言仲春之月日

木榮華遊戲原野此取為樂一人

言宗親告會觴酌交錯音樂歌儔此

取為樂一人言多積財寶所欲即得

法句喻經卷第三 第十三張

車馬服飾與衆有異出入光顯行者
矚目此寂為樂一人言妻妾端正綵
服鮮明香薰芬馥恣意縱情此寂為
樂佛知四人應可化度而走意六欲
不惟無常即呼四人而問之曰屬坐
樹下共論何事四人以實具曰所樂
佛告四人汝等所論盡是憂畏危亡
之道非是永安寂樂之法也万物春
榮秋衰落宗親歡娛皆當別離財
寶車馬五家之分妻妾美色憂憎之
主也凡夫處世興招怨禍危身滅族
憂畏無量三塗八難苦痛万端靡不
由之矣是以比丘捨世求道志存無
為不貪榮利自致泥洹乃為寂樂於
是世尊即說偈言

愛喜生憂 愛喜生畏 無所愛喜
何憂何畏 好樂生憂 好樂生畏
無所好樂 何憂何畏 貪欲生憂
貪欲生畏 解無貪欲 何憂何畏
貧法成成 至誠知慙 行身近道
為衆所愛 欲態不出 思正乃語
心無貪愛 必截流度
佛告四比丘昔有國王名曰普安與

法句譬喻經第三 第十四偈

○法句譬喻經

隣國四王共為親友請此四王宴會
一月飲食娛樂極歡無比臨別之日
普安王問四王曰人居世間以何為樂
一王言遊戲為樂一王言宗親吉會
音樂為樂一王言多積財寶所欲如
意為樂一王言愛欲恣情此寂為樂
普安王言卿等所論是苦惱之本憂
畏之原前樂後苦憂悲万端皆由此
興不如寂靜無求無欲淡泊守一得
道為樂四王聞之歡喜信解佛告四比
丘介時普安王者我身是也四王者
汝四人是也前已說之今故不解生死
建募何由休息時四比丘重聞此義
慙愧悔過心意開悟滅意斷欲得羅
漢道

法句譬喻經念慈品第二十五
昔佛在羅閱祇者閼崛山中時調達
與阿闍貴王共議毀佛及諸弟子王
勅國人不得奉佛衆僧分衛不得施
與時舍利弗目連迦葉須菩提等及
波和提比丘尼等各將弟子去到他
國唯佛與五百羅漢住崛山中調達
往至阿闍貴所與王議言佛諸弟子

法句譬喻經第三 第十五偈

今已迸散尚有五百弟子在佛左右
願王明日請佛入城吾當飲五百大
鵠令醉佛未入城驗使醉鵠今踰然
之盡斷其種吾當作佛教化世間阿
闍貴王聞之歡喜即到佛所稽首作
禮白佛言明日設薄施願屈世尊及
諸弟子於宮內食佛知其謀答言大
善明旦當往王退而去還語調達佛
已受請當念前計飲鵠令醉伺候待
之明日食時佛與五百羅漢共入城
門五百醉鵠鳴鼻而前據按牆壁樹
木摧折行人驚怖一城戰慄五百羅
漢飛在空中獨有阿難在佛邊住醉
鵠齋頭徑前趣佛因舉手五指應時
化為五百師子王同聲俱吼震動天地
於是醉鵠屈膝伏地不敢舉頭酒醉
尋解垂淚悔過王及臣民莫不驚肅
世尊徐前至王殿上與諸羅漢食訖
呪願王白佛言稟性不明信彼謾言
興造逆惡品為不軌願垂大慈恕我
迷愚於是世尊告阿闍貴及諸大衆
世有八事興長誹謗皆由名譽又貪
利養以致大罪累劫不息何等為八

法句譬喻經第三 第十六偈

利義毀譽稱譏苦樂自古至今豈不為惑於是世尊即說偈言

人相誇毀自古至今既毀多言

又毀訥忍亦毀中和世無不毀

欲意非聖不能折中一致一譽

但為名利明智所譽唯稱正賢

慧人守戒無所譏謗如羅漢淨

莫而誣謗諸天咨嘆凡釋所敬

佛說偈已重告王曰昔有國王喜食

鴈肉常遣獵師張網捕鴈日送一鴈

以供王食時有鴈王將五百鴈飛下

求食鴈王墮網為獵師所得餘鴈驚

飛徘徊不去時有一鴈連籠追隨不

避弓矢悲鳴吐血晝夜不息獵師見

之感憐其義即放鴈王令相隨去群

鴈得王歡喜迴繞令時獵師具以聞

王王感其義斷不捕鴈佛告阿闍世

王今時鴈王者我身是也一鴈者阿難

是也五百群鴈今五百羅漢是也食

鴈國王者今大王是也時獵師者今調

達是也前世已來恒欲害我我以大

慈之力因而得濟不念怨惡自致得

佛佛說是時王及群目莫不開解

法句譬喻經卷第二十六

昔有一人無有兄弟為小兒時父母憐

愛赤心懷懷欲令成就將詣師友勸之

書學其兒懷裏永不用心朝受暮棄初

不誦習如是積年無所知識父母呼歸

令治家業其兒憐誕不念勤力家道

遂窮眾事妨廢其兒放縱無所顧錄

雖賣家物快心恣意亂頭徒跣衣服

不淨慳貪擔擲不避耻辱愚癡自用

人所惡賤國人咸憎謂之兒惡出入

行步無與語者不自知惡反冬眾人

上怨父母次責師友先祖神靈不肯

祐助使我賴帶轆轤如此不如事佛

可得其福即到佛所為佛作禮前白

佛言佛道寬弘無所不容願為弟子

乞蒙聽許佛告此人夫欲求道當行

清淨行汝賣俗垢入我道中唐自去

就何所長益不如歸家孝事父母誦

習誦教沒命不怠勤修居業富樂無

憂以礼自將不犯非宜沐浴衣服慎

於言行執心守一所作事辦敏行精

修人所歡慕如此之行乃可為道耳

於是世尊即說偈言

不謂為言垢不勤為家垢不嚴為色垢

放逸為事垢慳為惠施垢不善為行垢

今世亦後世惡法為常垢

垢中之垢莫甚於癡學當捨此

比丘無垢

其人聞偈自知憍癡即承佛教歡喜

還歸思惟偈義改悔自新孝事父母

尊敬師長誦習經道勤修居業奉戒

自攝非道不行宗族稱孝鄉黨稱悌

善名遐布國內稱賢三年之後還至

佛所五體作禮懇惻自陳尊教至真

得全形骸棄惡為善上下蒙慶願垂

大慈接度為道佛言善哉驢駘尋落

即成沙門內思止觀四諦正道精進

日登得羅漢道

法句譬喻經奉持品第二十七

昔有長老婆羅門名薩遮尼捷才明

多智國中第一有五百弟子貢高自

大不顧天下以鐵鐮鐮腹人問其故

答曰恐智溢出故也聞佛出世道化

明達心懷妬嫉寤寐不安語諸弟子

吾聞瞿曇沙門自稱為佛今當往問

深妙之事令其心悻不知所陳即與

弟子往到祇洹列住門外遙見世尊威光赫奕如初出五情騰踊喜懼交錯於是徑前為佛作禮佛命就座坐訖尼捷問佛言何謂為道何謂為智何謂為長老何謂為端正何謂為沙門何謂為比丘何謂為仁明何謂為有道何謂為奉戒若能解答願為弟子於是世尊觀其所應以偈答言

常慙好學正心以行 惟懷實慧是謂為道
所謂智者不必辯言 無恐無懼守善為智
所謂老者不以年耆 形熟雖自愚而巳
謂懷諦法順調慈仁 明達清淨是為長老
所謂端正非色如華 貪嫉虛飭言行有違
謂能捨惡根原已斷 慧而無慧是謂端正
所謂沙門不必除髮 長語貪取有欲如凡
謂能止惡恚廓如道 息心滅意是謂沙門
所謂比丘非持乞食 邪行望彼求名而巳
謂捨罪業淨修梵行 慧能破惡是為比丘
所謂仁明非口所言 用心不精外順而巳
謂心無為內行清虛 此彼寂滅是為仁明
所謂有道非救一物 普濟天下無害為道
奉持法者不以為多言 雖素少聞身依法行
守道不忘是為奉法

法句喻經卷第三

第二十

跋

薩遮尼捷及五百弟子聞佛此偈歡喜開解棄捐貢高皆作沙門尼乳一人發菩提心五百弟子皆得阿羅漢道

法句喻經行道行品第二十八

昔有婆羅門年少出家學道至年六十不能得道婆羅門法六十不得道然後歸家娶婦為居生得一男端正可愛至年七歲書學聰了才辯出口有踰人之操率得重病一宿命終梵志憐惜不能自勝伏其屍上氣絕復蘇親族諫喻強奪殯殮埋者城外梵志自念我今啼哭計無所益不如往至閻羅王所乞索兒命於是梵志沐浴齋戒齎持華香發舍而去所在閻人問羅王所治處為在何許展轉前行行數千里至深山中見諸得道梵志復問如前諸梵志問曰卿問閻羅王所治處欲求何等答言我有一子憐慧過人近日率亡悲窮懊惱不能自解欲至閻羅王所乞索兒命還將歸家養以備老諸梵志等怒其愚癡即告之曰閻羅王所治處非是生人可得到也當視卿方宜從此西行四百餘里有大川其中有城此是諸天神

法句喻經卷第三 第二十二 跋

按行世間停宿之城閻羅王常以月八日按行必過此城卿持齋戒往必見之梵志歡喜奉教而去到其川中見好城郭宮殿屋宇如忉利天梵志詣門燒香起脚呪願求見閻羅王王勅門人問之梵志答言晚生一男欲以備老養育七歲近日命終唯願大王垂恩布施還我兒命閻羅王言大善卿兒今在東園中戲自往將去梵志即往見兒與諸小兒共戲即前抱之向之啼泣曰我晝夜念汝食寐不甘汝寧念父母辛苦以不小兒驚嘆逆呵之曰癡駭老翁不達道理寄住須臾名之為子勿妄多言不如早去今我此開自有父母邂逅之間唐自抱乎梵志悵然悲泣而去即自念言我聞瞿曇沙門知人魂神變化之道當往問之於是梵志即還求至佛所時佛在舍衛祇洹為大眾說法梵志見佛稽首作禮具以本末向佛陳之實是我兒不肯見認反謂我為癡駭老翁寄住須臾認我為子永無父子之情何緣乃令佛告梵志汝實愚癡人死神去便更受形父

法句喻經卷第三 第二十二 跋

母妻子因緣會居僻如寄客起則離散愚迷縛著計為已有憂悲苦惱不識根本沉溺生死未央休息唯有慧者不貪恩愛覺苦捨習勤修經戒滅除識想生死得盡於是世尊即說偈言人榮妻子不觀病法 死命來至如水湍驟父子不救餘親何望 命盡怙親如盲守鏡慧解是意可修經戒 仍行度世一切除苦遠離諸劇如風却雲 已滅思想是為知見智為世長憐樂無為 如受正教生死得盡梵志聞偈燿然意解知命無常妻子如客猶首委質願為沙門佛言善哉驢駿自落法衣在身即成比丘思惟偈義滅愛斷想即於座上得阿羅漢道

法句譬喻經廣衍品第二十九

昔佛在舍衛國說法教化天龍鬼神帝王人民三時往聽彼時國王名波斯匿為人憍慢放恣情欲目惑於色耳亂於聲鼻著馨香口恣五味身受細滑食飲極美初無厭足食遂進多恒苦飢虛厨膳不廢以食為常身體肥盛手舉不勝卧起呼吸但苦短氣

法句譬喻經卷第三 第二十三張

歌

氣閉息絕經時驚覺坐卧呻吟恒苦身重不能轉側以身為患便劫嚴駕往到佛所侍者扶持問訊却坐叉手白佛言世尊遠侍觀詒受無階不知何罪身為自肥不能自覺何故使令每自患之是以通背不數礼觀佛告大王人有五事令人常肥一者數食二者喜眠三者憍樂四者無愁五者無事是為五事喜令人肥若欲不肥減食庶燥然後乃瘦於是世尊即說偈言人當有念意 每食知自少 從是瘠用薄 節消而保壽

王聞此偈歡喜無量即呼厨士而告之曰受誦此偈若下食時先為我說然後下食王許還宮厨士下食輒便說偈王聞喜曰減一匙食轉減少遂以身輕即瘦如前自見如此歡欣念佛即起步行往到佛所為佛作礼佛命令坐而問王曰車馬人從為所在也何緣步行王喜白佛前得佛教奉行如法今者身輕世尊之力是以步可知為何如佛告大王世人如此

法句譬喻經卷第三 第二十四張

歌

不知無常長身情欲不念為福人死神去留身墳塚智者養神愚者養身若能解此奉修聖教於是世尊重說偈言人之無聞 老如特牛 但長肌肥 無有智慧 生死無聊 往來艱難 意倚貪身 更苦無端 慧人見苦 是以弃身 滅意斷欲 愛盡無生 王重聞偈欣然意解即發無上正真道意聽者無數皆得法眼

法句譬喻經地獄品第三十

昔舍衛國有婆羅門師名富蘭迦華與五百弟子相隨國王人民先共奉事佛初得道與諸弟子從羅閱祇至舍衛國身相顯赫道教弘美國王中宮率土人民莫不奉敬於是富蘭迦華起嫉妬意欲毀世尊獨望敬事即將弟子見波斯匿王而自陳曰吾等長老先學國之舊師沙門瞿曇後出求道實無神聖自稱為佛而王捨我欲專奉之今欲與佛摘試道德知誰為勝勝者王便終身奉之王言大善王即嚴駕往到佛所礼畢自言富蘭迦華欲與世尊摘盡道力現神變化不審世尊為

法句譬喻經卷第三 第二十五張

歌

可余不佛言大佳結期七日當攝變化
王於城東平廣好地立二高座高四
十丈七寶莊校施設幢幡整頓座席
二座中間相去二里二部弟子各坐
其下國王群目大衆雲集欲觀二人
捕其神化於時迦葉與諸弟子先到
座所登梯而上有鬼神王名曰般師見
迦葉等虛妄嫉妬即起大風吹其高
座坐具顛倒幢幡飛揚而沙磧石眼
不得視世尊高座淡然不動佛與大
衆摩序而來方向高座忽然已上衆
僧一切寂然大坐王及群目加敬稽
首自佛言願垂神化厭伏邪見并令
國人明信正真於是世尊即於座上
燿然不現即昇虛空奮大光明東沒
西現四旁亦余身出水火上下交易
坐卧空中十二變化沒身不現還在
座上天龍鬼神華香供養讚善之聲
震動天地富蘭迦葉自知無道低頭
慙愧不敢舉目於是金剛力士舉金
剛杵杵頭火出以擬迦葉何以不現卿
變化乎迦葉惶怖投座而走五百弟子
奔波迸散世尊威顏容無欣感還到
祇樹給孤獨園國王群目歡喜辭退

法句譬喻經卷第三 第二十六頌 歌

於是富蘭迦葉與諸弟子受辱而去
云至道中途一老優婆塞字摩尼逆
罵之曰卿等群愚不自忖度而欲與
佛比捕道德狂愚欺誑不知著耻亦
可不須持此面目行於世間也富蘭迦
葉著諸弟子至江水邊誰諸弟子我
今投水必生梵天若我不還則知彼
樂諸弟子待之不還自共議言師必
上天我何宜住一一投水冀當隨師
不知罪牽皆墮地獄後日國王聞其
如此甚驚恚之往到佛所自佛言富
蘭迦葉師徒迷愚何緣乃余佛告王
曰富蘭迦葉師徒重罪有二一者三毒
熾盛自稱得道二者謗毀如來欲望
敬事以此二罪應墮地獄殃各催逼
使其投河身死神去受苦無量是以
智者守攝其心內不興惡外罪不至
譬如邊城與寇連接守備牢固無所
畏懼內人安隱外寇不入智者自護
亦復如是於是世尊即說偈言
長證末路行已不正 怨讎良人以狂治世
罪牽斯人自投於坑 如備邊城中外牢固
自守其心非法不生 行跋致憂令墮地獄

法句譬喻經卷第三 第二十七頌 歌

佛說偈已重告王曰乃往昔時有二
猢猻王各主五百猢猻一王起嫉妬
意欲煞一王規圖獨治便往并聞數數
不如著慚退去到大海邊海曲之中有
水聚沫風吹積聚高數百丈猢猻王
愚癡謂是雪山語群輩言久聞海中
有雪山其中快樂甘菓恣口今日乃
見吾當先往行視若畜樂者不能復
還若不樂者當來語汝於是上樹盡
力跳騰投聚沫中溺沒海底餘者恚
之不出謂必大樂一一投中斷群溺
死佛告王曰今時嫉妬猢猻王者今
富蘭迦葉是也群輩者今富蘭迦葉
弟子五百人是也彼一猢猻王者我
身是也富蘭迦葉前世坐懷嫉妬為
罪所牽自投聚沫絕群斷種今復誹
謗盡投江河罪對使然累劫無限王
聞信解作札而去
昔有七比丘入山學道十二年中不能
得道自共議言學道甚難毀形執節
不避寒苦終身乞食受辱難堪道卒
匠得罪難可除唐自勞勤殞命山中
不如歸家修立門戶娶妻養子廣為

法句譬喻經卷第三 第二十八頌 歌

利業快心樂意安知後事於是七人即起出山佛遙知之應當得度不忍小苦終墮地獄甚可憐傷佛即化作沙門往到谷口逢七比丘化人問曰久承學道何以來出七人答言學道勤苦罪根難拔分衛乞食受辱難堪又此山中無供養者環環積年恒守儉約唐自困苦道不可得且欲還家廣求利業大作資財後老求道化沙門言且止且止聽我所言人命無常且不保夕學道雖難前苦後樂居家艱難億劫無息妻息會止願同安利欲望永樂不遭患難是猶治病服毒有增無損也三界有形皆有憂惱唯有信戒無放逸意精進得道眾苦永畢於是化沙門現佛身相光像巍巍即說偈言學難捨罪難居在家亦難會止同利難艱難無過有比丘求難何可不自勉精進得自然終無欲於人有信則戒成從戒多致寶亦從得諧偶在所見供養一坐一履卧一行不放恣守一以正心樂居樹間

於是七比丘見佛身相又聞此偈慙怖

法句喻經卷第三 第二十九說 跋

戰慄丑體投地稽首佛足攝心悔過作禮而去還入山中殞命精進思惟偈義守一正心閑居寂滅得羅漢道法句譬喻經象品第三十一

昔者羅雲未得道時心性鹿獍言少誠信佛勅羅雲汝到賢提精舍中住守口攝意勤修經戒羅雲奉教作禮而去住九十日慚愧自悔晝夜不息佛往見之羅雲歡喜趣前禮佛安施繩床攝受震越佛踞繩床告羅雲曰澡盤取水為吾洗足羅雲受教為佛洗足洗足已訖佛語羅雲汝見澡盤中洗足水不羅雲白佛唯然見之佛語羅雲此水可用食飲與漱以不羅雲白言不可復用所以者何此水本實清淨今以洗足受於塵垢是以之故不可復用佛語羅雲汝亦如是雖為吾子國王之孫捨世榮祿得為沙門不念精進攝身守口三毒垢穢充滿胃懷亦如此水不可復用佛語羅雲棄澡盤

法句喻經卷第三 第三十說 跋

中水羅雲即棄佛語羅雲澡盤雖空可用盛飲食不耶白佛言不可用所以然者用有澡盤之名曾受不淨故佛語羅雲汝亦如是雖為沙門口無誠信心性剛強不念精進曾受惡名亦如澡盤不中盛食佛以足指撥却澡盤澡盤應時輪轉而走自跳自墮數返乃止佛語羅雲汝寧惜澡盤恐破不羅雲白佛洗足之器賤價之物意中雖惜不大惡慙佛語羅雲汝亦如是雖為沙門不攝身口麁言惡說多所中傷眾所不受智者不惜身死神去輪轉三塗自生自死苦惱無量諸佛賢聖所不受惜亦如汝言不惜澡盤羅雲聞之慙愧怖憚佛告羅雲聽我說喻昔有國王有一大象猛獸能戰計其力勢勝五百小象其王與軍欲伐逆國被象鐵鎧象士御之以雙牙戟繫象兩牙復以二劍繫著兩耳以曲刀刀繫象四脚復

法句喻經卷第三 第三十一說 跋

以鐵撾繫著象尾被象九兵皆使嚴利象雖藏鼻護不用關象士歡喜知象護身所以者何象鼻軟脆中箭即死是以不出鼻關耳象關殊久出鼻求鉤象士不與念此猛象不惜身命出鼻求鉤欲著鼻頭王及群臣惜此大象不復使關佛告羅雲人犯九惡唯當護口如此大象護鼻不關所以然者畏中箭死人亦如是所以護口當畏三塗地獄苦痛十惡盡犯不護口者如此大象分喪身命不計中箭出鼻關耳人亦如是十惡盡犯不惟三塗毒痛辛苦若行十善攝口身意衆惡不犯便可得道長離三塗無生死患於是世尊即說偈言

我如象關 不恐中箭 常以誠信 度無戒人 譬象調伏 可中王乘 調爲尊人 乃受誠信

羅雲聞佛懇惻之誨感激自勵勉

法句經卷第三 第三十二頌 歌

骨不忘精進和柔懷忍如地識想寂靜得羅漢道

昔佛在舍衛國祇樹精舍爲四部弟子天龍鬼神帝王目民敷演大法時有長者居士名曰呵提曇來詣佛所爲佛作礼却坐一面又于長跪白世尊曰久承洪化欽仰奉願遍私不獲願垂慈恕世尊令坐即問所從來姓字爲何長跪答曰本居士種字呵提曇乃先王時爲王調象佛問居士調象之法有幾事乎答曰常以三事用調大爲何謂爲三一者剛鉤鈎口者其鞞鞞二者減食常令飢瘦三者撻杖加其楚痛以此三事乃得調良又問施此三事何所攝治也曰鐵鈎鈎口以制強口不與食飲以制身穢加撻杖者以伏其心正令便調曰作此伏者爲何所施用答曰如是伏已可中王乘亦可令闍隨意前却無有罣碍又問居士正有此法復有其異答曰調爲之法正如耳佛告居士但能調爲復能自調即曰不審自調其義云何

法句經卷第三 第三十三頌 歌

唯願世尊敷演未聞佛告居士吾亦有三事用調一切人亦以自調得至無爲一者至誠制御口業二以慈貞伏身剛強三以智慧滅意癡蓋持是三事度脫一切離三惡道自致無爲不遭生死憂悲苦惱於是世尊即說偈言

如爲名護財 猛害難禁制繫鞞不與食而猶慕逸爲本意爲純行及常行所安悉捨降結使如鈎制爲調樂道不放逸能常自護心是爲拔身苦如爲出于陷雖爲常調如彼新馳亦取善爲不如自調彼不能適人所不至唯自調者能到調方

居士聞偈喜慶難量內情解釋即得法眼聽者無數皆得道迹

法句警喻經受欲品第三十二昔佛在羅閱祇國者闍崛山精舍之中爲天人龍鬼神轉大法輪時有一人捨家妻子來至佛所爲佛作礼求爲沙門佛即受之令作沙門命令樹下坐思惟道德比丘受教便入深山去

法句經卷第三 第三十四頌 歌

精舍百餘里獨坐樹間思道三年心
不堅固意欲退還自念捨家求道勤
苦不如早歸見我妻子作此念已便
起出山佛以聖達見此比丘應當得
道愚故還歸佛以神足化作沙門便
往逆之道路相見化人即問所從來也
此地平坦可共坐語於是二人便坐
息語即答化人吾捨家妻子求作沙
門處此深山不能得道與妻子別不
如本願唐曾我命勞而無獲今欲悔
還見我妻子快相娛樂後更作計須臾
之間有老猢猻久已遠離樹木之間在
無樹之處於中生活化沙門問此比丘
是猢猻何故獨在平地無有樹木去
何樂此比丘答化人言我久見此猢
猻以二事故來住此耳何等為二一以
妻子眷屬群多不得飲食快樂恣口
二常晝夜上下樹木脚底穿壞不得寧
息以此二事故捨樹木來住是間二人
語頃復見猢猻走還上樹化沙門語
比丘言汝見猢猻還趣樹木不也答
曰見之此虫愚癡得離樹木羣從憤
內不厭勞煩而還入中化人復言卿亦

法句譬喻經卷第三 第三十五 跋

如是與此猢猻復何異矣所本以二
事故來入此山中何等為二一以妻
婦舍宅為牢獄故二以兒子眷屬為
桎梏故卿以是故來索求道斷生死苦
方欲歸家還著桎梏入牢獄中思受
惡業徑趣地獄化沙門即現相好丈
六金色光明普照感動一山飛鳥走
獸尋光而來皆識宿命心內悔過於
是世尊即說偈言

如樹根深固 難截猶復生 受意不盡除
輒當還受苦 猢猻如離樹 得脫復趣樹
衆人亦如是 出獄復入獄 含意為常流
習與情悖并 思想猢猻欲 自覆無所見
一切意流行 受結如葛藤 唯慧分別見
能斷意根源 夫從受潤澤 思想為滋蔓
受欲深無底 老死是用增

比丘見佛光相炳著又聞偈言悚然
戰慄立體投地懺悔謝過內自改責
即便却息數隨止觀在於佛前逮得
應真諸天來聽聞皆歡喜散華供養
稱善無量

法句譬喻經卷第三

乙巳歲高麗國大藏都監奉
新雕造

法句譬喻經卷第三 第三十六 跋

法句譬喻經卷第四 跋

晉世沙門法雄共法立譯

喻受欲品第三十二之二

昔佛在舍衛國為天人說法時城中
有婆羅門長者財富無數為人慳貪
不好布施食常閉門不喜人客若其
食時輒勅門士堅閉門戶勿令有人
妄入門裏乞白求索沙門梵志不能
得與其相見余時長者歎思美食便
勅其妻令作飯食教煞肥雞薑椒和
調炙之今熟飲食釘鉅即時已辦勅外
間門夫婦二人坐一小兒著聚中央便
共飲食父母取雞肉著兒口中如是
數過初不肯廢佛知此長者宿福應
度化作沙門伺其坐食現出坐前呪
願且言多少布施可得大富長者舉
頭見化沙門即罵之曰汝為道士而
無羞耻室家坐食何為撻撻沙門答
曰卿自愚癡不知慚著今我乞士何
為慚著長者問曰吾及室家自相娛
樂何故慚著沙門答曰卿煞父妻母
供養惡家不知慚著反謂乞士何不

慚著於是沙門即說偈言

所生枝不絕 但用食貪欲 養慈丘塚
愚人常汲汲 雖獄有鈎錐 慧人不謂牢
愚見妻子饒 涂著愛甚牢 慧說受為獄
深固難得出 是故當斷棄 不親欲為安
長者聞偈驚而問之道人何故而說
此語也道人答曰案上難者是卿先
世時父以慳貪故常生難中為卿所
食此小兒者往昔作羅刹卿作買客
大人乘船入海每輒派墮羅刹國中
為羅刹所食如是五百世壽盡末生
為卿作子以卿餘罪未畢故未欲相
害耳今是妻者是卿先世時母以恩
愛深固故今還與卿作婦今卿愚癡
不識宿命慈父養慈以母為妻五道
生死輪轉無際周旋五道誰能知者
唯有道士見此觀彼愚者不知豈不
慙著於是長者憫然毛豎如畏怖狀
佛現威神今識宿命長者見佛即識
宿命尋則懺悔謝佛便受五戒佛為
說法即得須陀洹道

昔佛在舍衛國祇洹說法時有年少
比丘入城分衛見一年少女人端正無

法句喻經卷第四

第二張

四

比心存色欲迷結不解遂便成病食
飲不下頽色憔悴委卧不起同學道
人往問訊之何所患苦年少比丘具
說其意欲壞道心從彼受欲願不如
意愁結為病同學諫喻不入其耳便
強扶持將至佛所具以事狀啓白世
尊佛告年少比丘汝願易得耳不足
愁結也吾當為汝方便解之且起食
飲比丘聞之坦然意喜氣結便通於
是世尊將此比丘并與大眾入舍衛
城到好女舍好女已死停屍三日室
家悲啼不忍埋藏身體臭脹不淨流
出佛告比丘汝所貪惑好女人者今
已如此万物無常變在呼吸愚者觀
外不見其患纏綿罪網以為快樂於
是世尊即說偈言

見色心迷惑 不惟觀無常 愚以為美善
安和其非真 以姘樂自累 譬如墮作罽
智者能斷棄 不助除眾苦 心念放逸者
見姘以為淨 愚愛意感增 從是造牢獄
覺意滅姘者 常念欲不淨 從是出邪獄
能斷老死患

於是年少比丘見此女人死已三日面

法句喻經卷第四

第三張

四

色腥爛其臭難近又聞世尊清誨之
偈悵然意悟自知迷謬為佛作禮叩
頭悔過佛授自歸將還祇洹沒命精
進得羅漢道兩將大眾無央數人見
色欲之穢信無常之證貪受望止亦
得道迹

昔佛在舍衛精舍為天人龍鬼說法
時世有大長者財富無數有一息男
年十二三父母命終其兒年小未知
生活理家之事泮散財物數年便盡
久後行乞由不自供其父有親友長
者慈念將歸經紀以女配之給與奴婢
車馬資財無數更作屋宅成立門戶
為人懶惰無有計校不能生活坐散
財盡日更飢困長者以其女故更與
資財故復如前遂至貧乏長者數餉
用之無道念叵成就欲奪其婦更嫁
與人宗家共議女竊聞之還語其夫
我家群強勢能奪卿以卿不能生活
故卿當云何欲作何計也其夫聞婦
言慚愧自念是吾薄福生失覆蓋不
習家計生活之法今當失婦乞句如

法句喻經卷第四

第四張

四

故思愛已行貪欲情著今當生別情豈可勝思惟反覆便興惡念將婦入房今欲與汝共死一處即便刺婦還自刺害夫婦俱死奴婢驚走往告長者長者大小驚來看視見其已然棺殮遣送如國常法長者大小憂愁念女不去須臾聞佛在世教化說法見者歡喜忘憂除患將家大小往到佛所為佛作礼却坐一面佛問長者為所從來何以不樂憂愁之色長者自言居門不德前嫁一女值遇愚夫不能生活欲奪其婦便煞婦及身共死如此遣送適還過觀世尊佛告長者貪欲瞋恚世之常病愚癡無智患害之門三界五道由此墮溺展轉生死無央數劫受苦万端由尚不悔豈況愚人能得識此貪欲之毒滅身滅族害及衆生何況夫婦於是世尊即說偈言

愚以貪自縛 不求度彼岸 貪為財受故 害人亦自害 愛欲意為田 嫵怒癡為種 故施度世者 得福無有量 伴少而貨多 商人怵惕懼 嗜欲賊害命 故慧不貪欲

法句喻經卷第四 第五張

余時長者聞佛說偈欣然歡喜忘憂察患即於座上一切大小及諸聽者破二十億惡得須陀洹道

昔佛在舍衛精舍中為天龍鬼神帝王目民說法時有遊蕩子二人共為親友常相追隨一體無異二人共議欲作沙門即便相將來至佛所為佛作礼長跪叉手白佛言願欲作沙門唯見聽許佛便受之即作沙門佛令二人共止一房二人共止但念世間思受榮樂更共咨嗟情欲形體說其姿媚專著不捨念不止息不計無常汙露不淨以此薺佛病生於內佛以慧眼知其想亂走意於欲放心不住以是不度佛令一人行便自化作一人入房間之言吾等所思意志不離可共往觀視其形體知為何如但空想念疲勞無益二人相隨至娼女村佛於村內化作一娼女入共入其舍而告之曰吾等道人受佛禁戒不犯身事意欲觀女人形容當願直如法於是化女即解環珞香薰衣裳裸形而立臭處難近二人觀之具見汙露化沙門即謂一人言女

法句喻經卷第四 第六張

人之好但有脂粉芬薰衆華沐浴塗香著衆雜色衣裳以覆汙露強薰以香欲以人觀譬如草叢成屎有何可貪於是化比丘即說偈言

欲我知汝本 意以思想生 我不思想汝 則汝而不有 心可則為欲 何必獨五欲 速可絕五欲 是乃為勇力 無欲無所畏 恬快無憂患 欲除使結解 是為長出淵 佛說偈已現其光相比丘見之慙愧悔過五體投地為佛作礼重為說法欣然得解便得羅漢一人行還見伴顏姿欣悅於常即問其伴獨何如斯即如事說佛之大慈愍度如此蒙世尊恩得免衆苦於是比丘重為說偈言 晝夜念著欲 意走不念休 見女欲汙露 想滅則無愛

其伴比丘聞此偈已便自思惟斷欲滅想即得法眼

法句喻經利養品第三十三 昔佛將諸弟子至俱曇彌國美音精舍為諸天人神龍說法時彼國王名曰優填有大夫人執行仁愛顯譽清潔王稱其操每私恭敬聞佛來化嚴

法句喻經卷第四 第七張

駕共出往至佛所為佛作礼却坐常位佛為國王及夫人嫁女說無常苦空人所由生合會別離悲憎會苦由福生天由惡入閻國王夫人歡欣信解各受五戒為清信士女礼佛辭退還入宮中時有婆羅門名曰吉星生一好女世間少比至年十六無能訶者懸金千兩積九十日募索智者有能訶此女為不端正者以金與之無敢應者女以長大應當嫁慶念當與誰若有端正如我女者以女與之聽聞沙門瞿曇擇迦之種姿容金色世所希有當以此女往配與之即便將至佛所為佛作礼白佛言我女好潔世間無雙年大應嫁世無正偶瞿曇端正可以為雙故遠將來以配世尊佛告吉星卿女端正是卿家好如我之好是諸佛好我之所好其道不同卿自譽女端正殊好譬如畫瓶中盛屎尿有何奇特好為所在著眼耳鼻口身之大賊面首端正身之大患破家滅族煞親害子皆由女色吾為沙門一身獨立由尚恐危況受禍災殘賊之貨也卿自

法句譬喻經第四 第八張 歌

將去吾不受之於是梵志瞋恚便去到優填王所讚女姿媚具白王言此女應相當為王妃今以年大故送與王王見歡喜即納受之拜為第二左夫人即以印綬金銀珍寶賜與吉星拜為輔月此女得叙每恹嫉妬女蠱迷王數譖大夫人如是非一王返辱曰卿等嫉媚言返不遜彼人操行可貴而返譖之此女心忌猶欲害之數譖不已王頗惑之前後心謀伺其齊時因勸白王今日之樂宜請右夫人王便晉召勅令皆會大夫人持齋獨不應命反覆三呼執齋不移王怒隆威遣人拽出縛著殿前欲射然之夫人不怖一心歸佛王自射之箭還向王後射輒還數箭亦尔時王大怖自解而問之曰汝有何術乃致如此夫人對曰唯事如來歸命三尊朝奉佛齋過中不食加行八事餒不近身必是世尊哀顧若茲王曰善哉豈可言不即出告星女還其父母以大夫人正理宮內王與大夫人後宮太子嚴駕群目往到佛所作礼却坐叉手聽法

法句譬喻經第四 第九張 歌

王即白佛具以如事向佛陳之佛告大王嫉盛女人有八十四態大態有八慧人所惡何謂為八一者嫉妬二者妄瞋三者罵詈四者呪咀五者鎮厭六者慳貪七者好飾八者含毒是為八大態於是世尊即說偈言

天雨七寶欲猶無厭 樂少苦多覺之為賢
雖有天欲慧捨不貪 樂難思愛為佛弟子
佛告大王人行罪福各有本性所受
影報万倍不同若行六德持齋福多
諸佛所譽終生梵天福樂自然佛說
是時王及夫人嫁女大目一切心解
皆得道迹

法句譬喻經沙門品第三十四

昔佛在舍衛國精舍之中為天龍鬼神國王人民說法時有一年少比丘晨旦著衣服拄杖持鉢至大村中分衛時大道邊有官菜園外面種黍稷其田外草中施張發箭若有虫獸盜賊來者觸網箭發中箭則死有一端正年少女子獨守此園人欲生者還喚示道乃得入園不知道者必為發箭所煞而此女子獨守悲歌其聲皎亮

法句譬喻經第四 第十張 歌

聽者莫不頓車止馬迴旋蹣躑而欲趣之盤桓不去皆坐聲響時此比丘分衛行還道聞歌聲側耳聽音五情逸豫心迷意亂貪著不捨想是女人必大端正思想欲見坐起言語便旋往趣未到中間意志恍惚手失錫杖肩失衣鉢殊不自覺佛以三達見此比丘小復前行為箭所然福應得道為愚所迷欲蓋所覆憐愍其愚欲度脫之自化作白衣往到其邊以偈呵之曰

沙門何行如意不禁 步步著粘但隨思走
絮叢被肩為惡不損 行惡行者斯墮惡道
截源自持折心却欲 人不割欲一意猶走
為之為之必強自制 捨家而戀意猶復淅
行懈緩者諺意不除 非淨梵行焉致大寶
不調難誠如風枯樹 自作為身曷不精進
說此偈已即自復形相好炳然光照
天地若有見者迷解亂止各得其
所比丘見佛心意燿開如冥闕明即
五體投地為佛作礼叩頭悔過懺悔
謝佛內解止觀即得羅漢隨佛還精
舍聽者無數皆得法眼

法句譬喻經梵志品第三十五

昔私訶勝國中有大山名私休遮他山中有梵志五百餘人各達神通自相謂曰吾等所得正是涅槃佛始出世初達法鼓開甘露門此等梵志聞而不就宿福應度佛往就之獨行無侶到其路口坐一樹下三昧定意放身光明照一山中狀如失火山中盡燃梵志怖懼呪水滅之盡其神力不能使滅恠而捨走從路出山遙見世尊樹下坐禪靜如日出金山之側相好炳然如月星中恠是何神就而觀之佛命令坐問所從來梵志對曰止此山中修道來久旦欬火起燒山樹木怖而走出佛告梵志此是福火不傷損人欲滅卿等癡結之垢梵志師徒顧相謂曰是何道士也九十六種未曾有此師曰曾聞白淨王子名曰志達不樂聖位出家求佛將無是也徒等習師可共問佛梵志所行事為如法不也師徒之等共起白佛梵志經法名四無尋天文地理王者治國領民之法并九十六種道術所應行法

此經為是涅槃法不願佛解說開化未聞佛告梵志善聽思之吾從宿命無數劫來常行此經亦得五通移山住派更歷生死不可計數既不得涅槃亦復不聞有得道者如汝等行非名梵志於是世尊以偈報曰

截流如渡無欲如梵 知行已盡是謂梵志
以無二法清淨渡淵 諸欲結解是謂梵志
非蕪結疑名為梵志 誠行法行清白則賢
飭駭無算草衣何施 內不離著外捨何益
去憊怒癡惱悋諸惡 如蛇脫皮是謂梵志
斷絕世事口無虛言 八道審諦是謂梵志
已斷思愛離家無欲 愛著已盡是謂梵志
離八聚處不墮天聚 諸聚不歸是為梵志
目識宿命本所更來 生死得盡寂通道玄
明如能嘿是謂梵志

佛說偈已告諸梵志汝等所修自謂已達涅槃如少水魚豈有長樂合本無者也梵志聞經五情內發喜悅長跪白佛願為弟子頭跋自墮即作沙門本行清淨因而得道為阿羅漢天龍鬼神皆得道迹

法句譬喻經泥洹品第三十六
昔佛在王舍城靈鷲山中時與諸比

立千二百五十人俱時摩竭國王名阿闍世所領五百國各有姓名近有一國名曰越祇不順王命欲往伐之即召群臣講宣議曰越祇國人富樂熾威多出珍寶不首伏於我寧可起兵往伐之不國有賢公承相名曰雨捨對曰唯然王告雨捨佛去是不遠聖詰三達靡事不貫汝持吾聲往至佛所如卿意智委志問之欲往伐彼寧得勝不承相受教即嚴車馬往至精舍前到佛所頭面著地為佛作禮佛命令坐公即就坐佛問國承相從何所來公言王使臣來稽首佛足問評起居飲食如常佛即問公王及國土人民臣下皆自平安不公言國主及民皆蒙佛恩

公白佛言王與越祇國有嫌欲往伐之於佛聖意為可得勝不佛告承相是越祇國人民奉行七法不可勝之王可諦思勿妄舉動公即問佛何等七法佛言越祇國人數相聚會講議正法修福自守以此為常是謂為一越祇國人君臣常和所任忠良教諫

法句喻經卷第四 第十四張 跋

承用不相違戾是謂為二越祇國人奉法相率無取無捨不敢犯過上下循常是謂為三越祇國人礼化謹敬男女有別長幼相承不失儀法是謂為四越祇國人孝養父母遜悌師長受誠教誨以為國則是謂為五越祇國人承天則地敬畏社稷奉順四時民農不廢是謂為六越祇國人尊道敬德國有沙門得道應真方遠來者供養永被林卧醫藥是謂為七夫為國主行此七法難可得危極天下兵共往攻之不能得勝佛告承相若使越祇國人持一法者尚不可攻何況盡持如是七法於是世尊即說偈言
利勝不足恃 雖勝猶復苦 當自求勝法 已勝無所生

雨捨承相聞佛說偈即得道迹時會大小皆得須陀洹道公即從坐起白佛言國事煩多欲還請解佛言可宜知是時即從坐起礼佛而去還至具室白王即止不攻持佛嚴教以化國內越祇國人即來順命上下相奉國祚興隆

法句喻經卷第四 第十五張 跋

法句譬喻經生死品第三十七

昔佛在舍衛國祇洹精舍為天人國王大臣廣說妙法有一梵志長者居在路側財富無數正有一子其年二十新為娶婦未滿七日夫婦相敬言語相順婦語其夫欲至後園中看戲為得介不上春三月夫婦相將至後園中有一捺樹高大華好婦欲得華無人與取夫知婦意欲得捺華即便上樹正取一華復欲得一展轉上樹乃至細枝枝折墮地傷中即死居家大小奔波跳走往趣見所呼天傷哭斷絕復甦中外宗族來者無數皆甚悲痛聞者莫不傷心見者莫不痛哀父母妻息怨各天地謂為不護棺殮衣被如法遣送還家啼泣不能自止於是世尊憐傷其愚往問說之長者室家大小見佛悲感作礼具陳辛苦佛語長者止息聽法万物無常不可久保生則有死罪福相追此兒三度為其哭泣懊惱斷絕亦復難勝竟為誰兒何者為親於是世尊即說偈言
命如華葉熱 常恐會零落 已生皆有苦

法句喻經卷第四 第十六張 跋

孰能致不死 從初樂受欲 可堪入胞影
受形命如電 晝夜流難止 是身為死物
精神無形法 假令死復生 罪福不敗亡
終始非一世 從受癡久長 自作受苦樂
身死神不甞

長者聞偈意解 憂長跪白佛此見
宿命作何罪 豐盛美之壽而便中 我
唯願解說本所行罪 佛告長者乃往
昔時有一小兒 持弓箭入神樹中戲
邊有三人 亦在中看樹上有雀小兒
欲射三人 勸言若能中雀者 世稱健
兒小兒意美引弓射之中雀即死墮地
三人共笑助之歡喜而各自去 經歷生
死無數劫中 所在相遭共會受罪其
三人者 一人有福今在天上 一人生
海中 為化生龍王 一人今日長者身
是以此小兒者 前生天上為天子 命
終來下為長者 作子墮樹命絕即生
海中 為化生龍王 作子即以生日化
生金翅鳥王 取而食之
今日三處懊惱涕哭 寧可言也 以其
前世助其喜故 此三人者 報以涕哭
於是世尊即說偈言

法句喻經卷第四 第十七 頌 家

識神造三界 善不善五處 陰行而默至
而往如響應 色欲不色有 一切因宿行
如種隨本像 自然報如影
佛說偈已 欲使長者意解 即以道力
視其宿命 皆見天上龍中之事 長者
意解欣然 即起長跪 又手白佛言 願
及大小為佛弟子 奉受五戒 為優婆
塞佛即授戒 重為說法 無常之義 大
小歡欣 皆得須陀洹道

法句譬喻經道利品第三十八

昔有國王 治行正法 民慕其化 無有
太子 以為愁憂 佛來入國 便出觀尊聽
經歡欣 即受五戒 一心奉敬 唯願有
子 晝夜精進 三時不懈 有一給使其
年十一 常為王使 忠信奉法 不失威
儀 謙卑忍辱 精進一心 學誦經偈 知
時先起 已辦香火 數年之中 精進如
是不以為勞 卒得重病 遂致無常 其
神來還 為王作子 乳哺長大 至年十
五 立為太子 父王命終 襲代為王 愾
惕自恣 嫚恣 欲樂晝夜 耽策不理 國
事目僚 廢朝民被其患 佛知其行 不
會本識 將諸弟子 往到其國王 問佛

法句喻經卷第四 第十八 頌 家

示如先王 法大衆奉迎 稽首于地 却
坐王位 佛告王曰 國土人民 群僚百官 悉
自如常 不王曰 為年人 幼未能綏化
皆蒙聖恩 國土無他 佛告王曰 王今
自知本所從來 作何功德 得此王位 王
曰 不審 願愚不達 不知先世所從來
也 佛告大王 本以五事 得為國王 何
事 為五 一者 布施 得為國王 萬民奉
獻 宮觀 殿堂 資財 無極 二者 興立 寺
廟 供養 三尊 牀檣 幃帳 以是為王 在
於正殿 御座 理國 三者 親身 禮敬 三
尊 及諸 長德 以是為王 一切 萬民 莫
不為之作 禮 四者 忍辱 身三口四 及
意無惡 以是為王 一切 見者 莫不歡
欣 五者 學問 常求 智慧 以是為王 史
斷國事 莫不奉用 行此 五事 世世 為
王 於是世尊 以偈頌曰
人知奉其上 君父師道士 信戒施開慧
終吉所生安 宿命有福德 生世為人尊
以道安天下 奉法莫不從 王為目民主
常以慈愛下 身率以法戒 示之以休咎
慶安不忘危 廣明福轉厚 福德之反報
不問尊以卑

佛告王曰 王前世時 為大王 給使奉佛

法句譬喻經卷第四 第十九 頌 家

以信奉法以淨奉僧以敬奉親以孝奉君以忠常行一心精進布施勞身苦體初不懈憊是福追身得為王子補王之榮今者富貴而反懈怠夫為國王當行五事何謂為五事一者領理萬民無有枉濫二者養育將士隨時廉與三者念修本業福德無絕四者當信忠目正直之諫無受讒言以傷正直五者節欲貪樂心不放逸行此五事名聞四海福祿自来捨此五事衆經不舉民困則思亂士勞則勢不舉無福鬼神不助自用失大理忠目不敢諫心逆國不理目蔑民則怨若如是者身失令名後則無福於是世尊重說偈言

夫為世間將修正不阿枉調心勝諸惡如是為法王見正能施惠仁愛好利人既利以平均如是衆附親

佛說偈已是時王大歡喜起住佛前五體投地懺悔謝佛即受五戒佛重說法得須陀洹道

昔佛在舍衛國祇樹精舍為諸天人國王大臣四輩弟子說無上大法時

法句喻經卷第四 第十一張 歌

○法句譬喻經

舍衛國南有深山其中常出野鳥為有三色白青黑者國王欲得好名聞

大鳥輒遣人往捕取將來付調鳥師三年之中便可乘騎亦可令開時有一神鳥龍之所生身白如雪尾赤如丹兩牙如金色猶師見此非常好為還白國王有此大鳥其形如是宜大王垂王即募捕鳥師三十餘人遣令捕此鳥人衆往到為所張網欲捕鳥而此神鳥知諸人意即便來前而墮網中衆人皆來而欲捕之鳥便瞋恚逆蹠跳之近者即死遠者得走為逐不置時山脇有諸年少道人多力勇健山中學道大久未得定意遙見此鳥追逐人道人憐愍人故自恃勇健欲往救之佛已遙見恐此比丘為神鳥所驚佛即到邊放大光明為見佛光愍止悲解不復追逐人比丘見佛迎為作禮佛為比丘即說偈言勿妄嫉神鳥以招苦痛患惡意為自然終不至善方

比丘聞偈即便稽首懺悔謝過內自篤責深惟為非即於佛前速得應真

法句喻經卷第四 第二十一張 歌

時捕鳥人即皆還歸走者尋還皆得道迹

昔佛在羅閱祇者閣崛山中時國王瓶沙有一大目犯事免退徙者南山中去國千里外由來無人不熟五穀大目到中泉水流溢五穀大熟四方諸國有飢寒者皆來至此山中數年之中便有三四千家來者給與田地令得生活其中三老諸長宿年共議國之無君猶身之無首相將至大目所舉大目為國王大目答長老曰若以我為王者當如諸國王之法左右大臣文武將士上下朝直發女閭宮租稅榮帛當如民法諸國老曰唯然奉命一隨王法即立為王慶置群臣文武上下發調人民築城作舍宮殿樓觀民被苦毒不復堪諧皆發想念欲謀害王諸大臣輩將王出獵去城三四十里於曠野澤中牽王欲然王問左右何緣然我答曰民慕豐樂奉王以礼民困思乱破家鬻國王告之言卿等自為非我本造枉然我者神祇知之聽我發一願死不有恨即願曰

法句喻經卷第四 第二十二張 歌

我本開荒出穀養民來者皆法富樂無極自共舉我立為國王依按諸國自共作此今反煞我我實無惡於此人民若我死者願作羅刹還入故身中當報此怨於是絞煞棄屍而去三日之後王神即作羅刹還入故身中自名阿羅婆即起入宮絞煞新王并及後宮姝女左右對目即皆煞之羅刹瞋恚出宮盡欲煞人國中三老草索自縛來向羅刹自首此是對目所為非是細民所可能知上旬原怒願還治國曰我是羅刹何與人等共從事也食飲當得人安羅刹急性忿不思難三老曰國是王許故當如前食飲所須當相老次國老共出宣令人民皆共探籌以此為次家出一小兒生用作食食羅刹王三四十家正有一戶為佛弟子居門精進五戒不犯隨民探籌得第一籌有一小兒當先食鬼王賢者大小懊惱啼哭還向崑山為佛作礼悔過自責佛以道眼見其辛苦便自說言因是小兒當度無數人便獨飛往至羅刹門現變光相

法句經卷第四 第二十三誡

照其宮內羅刹見光疑是異人即出見佛便起毒心欲前翕佛光刺其目搖山吐火皆化為塵至久疲頓然後降化請佛入坐頭面作礼佛為說經一心聽法即受五戒為優婆塞里吏催食奪兒將來室家嗥哭隨道而來觀者無數為之悲哀吏抱兒撒食者羅刹前羅刹即持此小兒撒食至佛前長跪白佛言國人相老次以小兒為食我今受佛五戒不復得食此小兒請以小兒布施佛為佛作給使佛為受之即說咒願羅刹歡喜得須陀洹道佛以小兒著鉢中撤出宮門還其父母而告之曰使養小兒勿復愁憂衆人見佛莫不驚愕怪是何神此兒何福而獨救之羅刹所食奪還父母於是世尊在於大衆中而說偈言戒德可恃怙 福報常隨已 見法為人長終遠三惡道 戒慎除苦畏 福德三界尊鬼龍邪毒害 不犯有戒人佛說偈已無失數人見佛光像乃知至尊三界無比便皆歸化為佛弟子聞偈歡欣皆得道迹

法句經卷第四 第二十四誡

昔佛在波羅奈國鹿野塢上為天人龍鬼國王巨民不可計衆而為說法時大國三太子將從小國王世子五百餘人往到佛所為佛作禮却坐一面而聽法諸太子等即白佛言佛道清妙玄遠難及自古以來頗有國王太子大臣長者之子捨國吏民恩愛榮樂行作沙門者不佛告諸太子世間國土榮樂恩愛如幻如化如夢如響卒來卒去不可常保又國王太子以三事故不能得道何謂三事一者憍恣不念學問佛經妙義以濟神本三者貪取不念布施下貧困厄群臣將士所有財寶不與民共以修財本三者不能遠離色欲愛樂之事捨棄牢獄憂煩之惱行作沙門減衆苦難以修身本是以菩薩所生為王除此三事自致得佛又有三事何謂為三一者少壯學問領理國土率化民庶使行十善二者中以財施貧窮孤寡羣臣將士與民同歡三者每計無常命不久留宜當出家行作沙門斷苦因緣勿更生死三事不施獨無所得於是世尊而自陳曰

法句經卷第四 第二十五誡

昔我前世作轉輪聖王名曰南王皇
帝七寶導從宮觀浴池行宮戲園
及羣臣太子夫人嫫女象馬厨宰各
八萬四千有子千人勇猛精銳一人當
千飛行虛空周遊四方自在所為無
當前者其壽八萬四千歲以法治政
不枉人民今時聖王救自念言人命
短促無常難保但當作福以求道真
念常布施世間人民所有財物與民
共之已種福德唯當出家行作沙門
斷絕貪欲乃得滅苦王即勅梳頭人
若見頭髮白便當啓我至父數萬歲梳
頭人啓言白髮已生勅令拔之舉着案
上王見白髮涕泣命曰第一使者忽
然復至今頭已白宜當出家行作沙
門求自然道聲髮掌中自說偈言
今我上體首 白生為被盜 已有天使召
時正宜出家

即召羣臣立太子為王行作沙門入
山修道畢人之壽即生第二天上為
天帝釋太子於後領理天下亦如大
王復勅梳頭人若見白髮便當啓我
至父復啓白髮已生勅令拔之舉着
掌中而說偈言

法句譬喻經

第三十卷

歌

今我上體首 白生為被盜 已有天使召
時正宜出家

復召群臣立太子為王即行作沙門
入山修道畢人之壽復生天上為
天帝釋前天帝釋畢天之壽下生
世間為聖王作太子此三聖主更為
父子上為天帝下為聖主中為太子
各各三十六反數千萬歲終而復始
行此三事自致得佛今時父者今我
身是也太子者舍利弗是也王孫
者阿難是也更相從生展轉為王以
化天下是以特尊三界无比佛說是
時國王太子并諸太子皆大歡喜受
佛五戒為優婆塞得須陀洹道
法句譬喻經吉祥品第三十九

昔佛在羅閱祇耆闍崛山中為天人
龍鬼轉三乘法輪時山南恒水岸边
有尼捷梵志先出耆舊博達多知
德向五通明識古今所養門徒有五
百人教化指授皆悉通達天文地理
星宿人情無不瞻察觀略内外吉凶
禍福豐儉出沒皆包知之梵志弟子
先佛所行應當得道欸自相將至水岸边
邊屏坐論語自共相同世間諸國人

法句譬喻經

第三十卷

佛

民所行以何等事為世吉祥徒等不
了往到師所為師作禮叉手白言弟
子等學久所學已達不聞諸國以何
為吉祥尼捷告曰善哉問也閻浮利
地有十六大國八萬四千小國諸國
各有吉祥或金或銀水精琉璃明月
神珠象馬車輿王女珊瑚珂貝玃樂
風鳳孔雀或以日月星辰寶瓶四華
梵志道士此是諸國之所好喜吉祥
瑞應若當見是稱善無量此是瑞應
國之吉祥諸弟子曰寧可更有殊特
吉祥於身有益終生天上尼捷答曰
先師以來未有過此書籍不載諸弟
子曰近聞釋種出家為道端坐六年
降魔得佛三遠無礙試共往問所知
博採何如大師師徒弟子五百餘人
經涉山路往到佛所為佛作禮坐梵
志位又手長跪白佛世尊曰諸國吉
祥所好如此不審更有勝是者不佛
告梵志如卿所論世間之事順則吉
祥反則凶禍不能令人濟神度苦如
我所聞吉祥之法行者得福永離三
界自致涅槃於是世尊而作頌曰

法句譬喻經

第三十卷

歌

佛尊過諸天 如來常現哉 有梵志道士
來問何吉祥 於是佛慈傷 為說真要有要
已信樂正法 是為最吉祥 亦不從天人
希望求饒幸 亦不禱神祠 是為最吉祥
友賢擇善居 常先為福德 勸身承貞正
是為最吉祥 去惡從就善 避酒知自節
不姪于女色 是為最吉祥 多聞知戒行
法律精進學 脩已無所爭 是為最吉祥
居孝事父母 治家養妻子 不為空乏之行
是為最吉祥 不慢不自大 知足念反覆
以時誦習經 是為最吉祥 所聞常欲忍
樂欲見沙門 每讀輒聽受 是為最吉祥
持齋修梵行 常欲見賢明 依附明智者
是為最吉祥 已信有道德 正意向無疑
欲脫三惡道 是為最吉祥 等心行布施
奉諸得道者 亦敬諸天人 是為最吉祥
常欲離貪婬 愚癡瞋恚意 能習成道見
是為最吉祥 若以素非務 能勤修道用
常事於可事 是為最吉祥 一切為天下
建立大慈意 修人安衆生 是為最吉祥
智者居世間 常習吉祥行 自致成慧見
是為最吉祥

梵志師徒聞佛說偈欣然意解甚大歡

法句經卷第四

第二九經

歌

喜前白佛言甚妙世尊世所希有由
來迷惑未及闡明唯願世尊矜愍濟
度願身自歸佛法三尊得作沙門冀
在下行佛言大善善來比丘即成沙
門內思安般速得應真聽者無數皆
得法眼

法句譬喻經卷第四

乙巳歲高麗國大藏都監奉
勅雕造

法句經卷第四

第三經

歌

法句經卷上

尊者法鼓撰

獸

吳天竺沙門維試難等譯

無常品第一 二十有一章

無常品者寤欲昏亂榮命難保唯道
是真

睡眠解寤 宜歡喜思 聽我所說
撰記佛言 所行非常 謂興義法
夫生輒死 此滅為樂 譬如陶家
埴埴作器 一切要壞 人命亦然
如河駛流 往而不返 人命如是
逝者不還 譬人操杖 行牧食牛
老死猶然 亦養命去 千百非一
族姓男女 財聚財產 無不喪亡
生者日夜 命自攻削 壽之消盡
如帶露水 常者皆盡 高者亦墮
合會有離 生者有死 衆生相剋
以害其命 隨行所墮 自受殃福
老見苦痛 死則意去 樂家縛獄
貪世不斷 咄嗟老至 色變作老
少時如意 老見踰藉 雖壽百歲
亦死過去 為老所厭 病條至際